



35501

калькомп

I

Mag. St. Dr.

P

THEOLOGIA.

N. ~~377.~~



35501

I

TIROCINIUM  
THEOLOGICUM

AUTHORE

R. P. BALTHASSARE  
FRANCOLINI  
è SOCIETATE JESU.

ROMÆ  
PRIMO IMPRESSUM.

*Denuo Reimpresum*



CALISSII

Typis S. R. M. Coll. Soc. JESU.  
Anno Domini 1746.



35507  
L. I H S. IC

AD BENEVOLOM LECTOREM

**E**N! in nuce Sacrae eruditionis Iliadem Lector Benevole absolutissimum suo in tirocinio Magistrum! Romae, id est: in Religionis Arce primum typis editus plausum tulit, auro sane, cedroque dignior. Compendio Theologiam Positivam Scholasticam, Polemicam, Canonicam, Moralem, ac Mysticam completitur, ubi omnes harum disciplinarum tractatus, objecta, fundamenta praecipua, nervose perstringuntur. Quibus Concilia oecumenica, Pontifices, Patres, Pa-

patrum scripta genuina, contro-  
versæ Fidei, Hæreses, Propositio-  
nes damnatæ chronologicè pro-  
positæ accedunt. Hinc post editi-  
onem Romanam, in Germania  
Hungaria, aliisq; Provinciis nunc  
in Polonia, ad usum Theologo-  
rum in lucem prodit, Si pauca  
sapienti probantur, opusculum  
hoc tibi cordi fore confido. Vi-  
ve, & fave.

---

## TIROCINIUM THEOLOGICUM

*Quo Theologus Institutor Discipulo suo  
tradit compendiarium notitiam Theolo-  
giæ Scripturalis, speculativæ, Polemicæ  
Moralis, Mysticæ & Facultatis Cano-  
nicæ.*

### PROEMIUM

*Disc.* **C**UM Theologicis studiis  
animum adjicere cogi-  
tem, velim priùs edoceri

Az

quid

quid Theologia sit, quæ hujus  
Disciplinæ principia, ex quibus  
suas eruit Conclusiones; quæ me-  
thodus; quod propositum & finis?  
Puto enim anticipatam hanc to-  
tius cursûs cognitionem esse iis  
perutilem, qui Theologicum  
studium ingredi decrevêre.

*Mag.* Perutilis absque dubio  
ea est, ac ferè dixerim necessaria:  
utì mox intelliges.

*Disc.* Age igitur, & pro ea be-  
nignitate, qua mihi semper stu-  
duisti, hunc quæso laborem subi-  
re ne graveris.

*Mag.* Nefas sanè sit, nolle ei  
obsequi. qui tam sapienter postu-  
lat erudiri. Faciam igitur, quod  
petis, & faciam perlibenter,  
quin facio jam, & ad illud pri-  
mum quod petebas.

Respondeo: Theologiam esse  
facultatem omnium Disciplina-  
rum nobilissimam.

utpo-

utpote quæ explicat; doctrinam  
Fidei, & circa eam discurret, tum  
ad instruendos Fideles circa ea,  
quæ credi debent, tum ad de-  
vincendos Infideles, & Hæreti-  
cos, tum denique ad Fidelium  
mores dirigendos.

Hinc alia est Theologia scriptu-  
ralis, quæ varios sacræ Scripturæ  
senius explicat, ac doctrinam Fi-  
dei, & morum in eis conten-  
tam exponit.

Alia est Theologia Scholasti-  
ca, quæ prædictam doctrinam  
Fidei ex Scripturis, Conciliis, &  
Patribus eruit, multaquè ex his  
partim evidenter, partim proba-  
biliter infert.

Alia est Theologia Polemica,  
seû Controversa, quæ Infidelium  
& Hæreticorum errores refellit.

Alia est Facultas Canonica-  
quæ Canones, nempe Leges Con-  
ciliorum, & Romanorum Pon-  
tificum

tificum responsa ad Ecclesiasticam œconomiam, & disciplinam spectantia ordinatè proponit, explicat, & interpretatur.

Alia est Theologia Moralis, quæ Mandatorum Divinorum, & humanorum obligationes proponit, & quæstionibus, quas casus conscientix appellamus, respondet.

Alia demum est Theologia Mystica, sive affectiva, quæ hominem non suæ solùm utcumquè salutis, sed Evangelicæ perfectionis cupidum, instruit, ejusdemquè affectus in DEUM dirigit, & movet. Nunc de singulis agendum.

TIROCINIUM  
THEOLOGICUM  
THEOLOGIAM  
*POSITIVAM*

seu

SCRIPTURALEM  
EXPONENS.

DISTRI

A4



DISTRIBUTIO  
Tirocinii Theologici  
Partis Primæ.

**P**ARS 1. *De Theologia Scriptu-  
rali*

§. 1. *De numero Sacrorum Libro-  
rum*


§. 2. *Argumenta, Auctores, & In-  
terpretes Sacrorum librorum*

§. 3. *De sūma horum Librorum  
authoritate*

§. 4. *De variis sacrorum Libro-  
rum editionibus*

§. 5. *De multiplici Librorum sa-  
crorum sensu*

§. 6. *De Interpretatione sacro-  
rum Librorum*



TIROCINII  
THEOLOGICI  
PARS I.

*In qua agitur de Theologia  
Scripturali*

I.

**U**T incipiam à prima: au-  
divisti non semel, Scri-  
pturas Sacras dividi in  
vetus, & novum Testa-  
mentum. Sic vocantur, quia con-  
tinent legem veterem Moyfai-  
cam, & novam Evangelicam.  
Lex enim Divina, dicta fuit ab i-  
pso DEO Testamentum; hinc  
David Psal. 102. vers. 18. *Et justitia  
illius in filios filiorum, his qui servant  
testa-*

*Tirocinii Theologici*

*testamentum ejus* : nempe ut subdit  
velut explicans, quod .dixerat.  
*Et memores sunt mandatorum ipsius.*  
Dicta autem fuit utraque lex te-  
stamentum, quia DEUS utram-  
què legem condens pactum quod  
dam testamentarium cum ho-  
mine inuit faciendi illum cœle-  
stium bonorum hæredem, si su-  
am legem observet ; utque ob-  
ligationem homini imposuit ob-  
servandi suam legem, sic obliga-  
tionem ipse suscepit ei largiendi  
promissam hæreditatem, si suæ le-  
gi paruerit. Hinc lex Divina tam-  
sæpe dicitur pactum in Scriptu-  
ris. Quia verò testamentum est  
pactum transferendi hæreditatē  
post mortem disponentis, adeo-  
que morte confirmandum ; ide-  
o voluit DEUS hanc suam testa-  
mentariam dispositionē confir-  
mare morte, & sanguine Filii, cu-  
jus

jus  
vet  
gn  
He  
est,  
tor  
firm  
dun  
pri  
2.  
ris  
leg  
lex  
qu  
lex  
jus

3.

br  
xo

*Pars I. §. I.*

ius figura erant victimæ in lege veteri DEO immolata; quod significavit Apostolus scribens ad Hebr. c. 9. *Ubi enim testamentum est, mors necesse est intercedat Testatoris: testamentum enim in mortuis firmatum est, alioquin nondum valet, dum vivit; qui testatus est; unde nec primum quidem sine sanguine est.*

2. Quamvis autem in Scripturis multa contineantur præter legem; volumen tamen ipsarum lex vetus, & nova dicitur, quia quidquid est in Scripturis vel est lex ipsa Divina, vel aliquid ad ejus observationem conducens.

*§. I.*

*De numero Sacrorum Librorum.*

3. **L**ibri veteris Testamenti sunt 45. nimirum pentateuchus, seu quinque libri Moyſis, qui sunt Genesim, Exodus, Leviticus, Numeri, & Deute-

*Tirocinii Theologici.*

Deuteronomium: tum liber Josue, liber Judicum, liber Ruth; quatuor libri Regum, duo Paralippomenon, Eldra primus, & secundus, qui dicitur Nehemias; Tobias, Judith; Esther; Job; Psalterium Davidicum 150. Psalmorum; Proverbia, Ecclesiastes, Canticum Canticorum; Sapientia; Ecclesiasticus; Isaias; Jeremias cum Baruch; Ezechiel; Daniel; Duodecim Prophetæ minores, scilicet Osee, Joel, Amos, Abdias, Jonas, Micheas, Nabum Abacuc, Sophonias, Aggæus, Zacharias, Malachias; Machabæorum primus & secundus.

4. Libri novi Testamenti sunt 27. Quatuor Evangelia. Acta Apostolorum. quatuordecim Epistolæ S. Pauli Apostoli, nempe una ad Romanos, duæ ad Corinthios, una ad Galatas, una ad Ephe-

Ep  
du  
tu  
ad  
du  
Jac  
po  
sto

Arg

5.

Isaa  
mo  
I  
rao  
Æg  
Æg

*Pars I. §. I.*

Ephesios, una ad Philippenses, duæ ad Timotheum, una ad Titum, una ad Philemonem, una ad Hebræos. S. Petri Apostoli duæ. S. Joannis Apostoli tres. S. Jacobi Apostoli una. S. Judæ Apostoli una. & S. Joannis Apostoli Apocalipsis.

---

*§. II.*

*Argumenta, Auctores, & Interpretes Sacrorum Librorum.*

*DE PENTATEUCHO.*

5. **I**N Genesi Moyses narrat creationem Mundi, & gesta Adami, Evæ, Noe, Abrahæ, Isaac, Jacob, & aliorum usque ad mortem Joseph.

In Exodo persecutionem Pharaonis, indeque decem plagas Ægypti, egressû Hebræorum ex Ægypto, peregrinationem per  
deser-

*Tirocinii Theologici.*

desertum, ubi in Sina Decalogum, cæterasque leges à DEO acceperunt.

In Levitico describuntur sacra, & sacrificia, cibi vetiti, alii- que ritus, lustrationes & cære- moniæ tam Populi, quam Sacer- dotum, & Levitarum.

In Numeris numerantur Po- pulus, Principes, & Levitæ; item quadraginta duæ mansiones Hebræorum; horumque, ac DEI gesta in deserto recensentur; in super affertur prophetia Baalam ac describitur bellum Hebræo- rum cum Madianitis,

In Deut sive secunda lege re- peruntur, & inculcantur Hebræ- is leges antea in Exodo, Leviti- co, & Numeris à DEO datæ.

6 Hic adverte cum Cornel. à Lapide, Moysen Pentateuchum simpliciter conscripsisse per mo- dum

*Pars I §. II.*

dum Diarij, vel Annalium; Josue tamen, vel alium similem, eosdem hos Moysis annales in ordinem digessisse, & sententias nonnullas addidisse: sic enim in fine Deuteronomii mors Moysis, eo utique mortuo, à Josue, vel alio quopiam additur, & describitur. Sic non à Moyle, sed ab alio, ut videtur. laus mansuetudinis Moysis intertextata est Numer. 12. 3. Porro Moyses hæc partim traditione, partim Divina revelatione, partim oculari inspectione didicit, & accepit; omniaque Divino instinctu conscripsit.

7. Scripserunt in Genes. Origenes, S. Hieron., S. August. Theod. Procopius, S. Chryf. Eucher. Rupert. S. Basil. S. Ambr. Albinus Flaccus, Anastasius Sinaita, Lyran. Tostat. Hugo, Chart. Inter recentiores excel-

*Tirocinii Theologici*

lit Pererius, & Cornel. à Lap.

8. Scripsère in Levit. Orig. I-  
fichius, S. Cyrill. Radulphus  
Monach. Petrus Serranus, Cor-  
nel. à Lap. qui & reliquos Pen-  
tateuchi libros exponit.

*De Libro Josue.*

9. **I**N libro Josue gesta Josue de-  
scribuntur, ut videlicet ille  
Chananzam bello subegit, il-  
lamque duodecim Tribubus di-  
visit, Rempubl. Israëlitis in ea-  
dem constituit, eamque tam in  
pace, quam bello prudentissimè  
gubernavit. Diaria hæc ab ipso  
Josue primitus fuere conscripta,  
quidquid alij contradicant. Eo-  
rum verò collector nonnulla ad-  
didit, nempe ejus mortē, & quæ  
post ejus mortē contingere, uti  
sunt ea, quæ capite 15. de Axa  
filia Caleb, & cap. 19. de filiis  
Dan narrantur.

10. Scripsère in Josue Orig.  
The-

*Pars I. §. II.*

Theodor. Procopius, S. Augustinus, Rupertus, Lyranus, Hugo Card., Dionysius, Carthus. Cajetanus. Fusè & exactè Alphonsus Tostatus Episc. Abulensis, elegantissimè Arias Montanus, copiosè Colmas Magallianus, doctè, & reconditè Nicolaus Serarius, accuratè Jacobus Bonferius, eruditè Cornel. à Lap.

*De Lib. Judicum, & de Lib. Ruth*

II. **L**iber Judicum horū gesta prosequitur. Judices autem Hebræorum ij dicti fuère, qui eum populū ingressum in Palæstinam à vicinarum Gentium insultu, & jugo liberarunt, eique in judiciis præfuère præfecturâ ferè Monarchicâ: unicus enim Judex erat, & in solis causis difficilioribus sententiam supremi concilij, quod Sanhedrim dicebatur, exquirere, e-

*Tirocinii Theologici*

júsque decretis stare debebat ,  
regiam tamen potestatē non ha-  
bebat, Quare nec leges condere  
poterat, nec diademate, aut scri-  
pto utebatur, nec satellitio cu-  
stodiebatur. Non ungebatur ,  
nec hæreditario jure succedebat  
sed electione DEI vel populi  
creabatur. Electus per omnem  
vitam manebat Judex: jus demū  
vitæ, & necis non habebat , sed  
reos juxta legem morti adjudica-  
bat: aut aliter plectebat. Fuē-  
re quindecim, nempe Othoniel,  
Aod; Samgar, Baruc cum De-  
bora, Gedeon, Abimelec, Tho-  
la, Jair, Jephthe, Abeslan, Ahia-  
lon. Abdon, Samplon, Heli, Sa-  
muel, post quem populus Re-  
gem petiit. Is Iudicum Magi-  
stratus mansit annis 356. In hoc  
tamen libro duorum ultimorū,  
nempe Heli, & Samuelis acta  
non narrantur, sed in lib 1 Reg.

*Pars I. §. II.*

12. Quis hunc librum conscripserit, incertum est. Verisimile est. Eldram, vel Prophetam aliquem posteriorem, aut potius Samuelē ex antiquis Diariis, & Annalibus, quæ Iudex quisque, aut alius ejus tempore conscribebat, collegisse, & in hunc librum redelegisse.

13. In librum Iudicum scripsere Orig. S. Aug. Theod. Procop. Isidor. Hugo de S. Vict. Lyran. Hugo Card. Dion Chart. Abul. Caiet. Arias Montanus, Cornel. à Lap.

14. Liber Ruth continet Genealogiā Iudæ Patriarchæ à Phares filio ejus, usque ad Davidē; est autem appendix libri Iudicum: Ruth enim historia contingit sub Iudicibus, estque præludium, & veluti manu ductio ad librum primum Regum, in quo gesta Davidis describuntur.

*Tirocîni Theologici*

15. Auct̄or libri est incertus :  
à nonnullis enim censetur fuisse  
Ezechias Rex, ab aliis Eldras  
à pluribus verò Samuel, idque  
verisimilius est. Scripserunt in  
Ruth; Rupertus, Abul, Lyran  
Hugo, Dionys. Cajet. Serarius,  
Cornel. à Lapide, & cum ingenti  
laude Fevaxdentius.

*De Libris Regum, & Paralipomenon.*

16. **H**is quatuor libris Regum  
continetur historia Regni  
Hebraici Duo priores libri cõ-  
plectuntur tempus, quo, post  
Iudices Heli, & Samuelem, præ-  
fuerunt Israëli cum potestate re-  
gia Sául, & David. Duo poster-  
iores enarrant acta Salomonis,  
ejusque filiorum, & Nepotum  
usque ad ultimum Regem Se-  
deciam Item gesta Ieroboam,  
& posterorum ejus, qui schisma  
facientes à Roboam, & Iuda re-  
gnarunt

*Pars I §. II.*

gnarunt in Israële, id est: in decem tribubus usque ad ultimū Regem Oseam.

17. Primum Regum librum scripsit Samuel usque ad mortē suam: Ejus verò mortem, & gesta post ipsam, usque ad finem libri secundi scripsit Dávid, aut potius Nathan, & Gad Prophetæ, qui David erant à secretis, & commentariis, ut ejus acta, & veluti Ephemerides conscriberent. Duos posteriores Regum libros usque ad Hierosolymæ excidium ex priscis singulorum Regum Annalibus scripsit partim Isaias, partim Jeremias, partim Esdras. Prædicta Diaria, seu Annales vocantur in Scriptura liber verborum, id est: factorum descriptorum.

18. Libris Regum attexuntur duo libri Paralippomenon, id est relictorum, seu residuorū, quia  
hi

*Tirocinii Theologici*

hi suppleant ea, quæ in libris Regum de Regibus Iuda prætermissa sunt, nam gesta Regum Israël vix tanguntur in libris Paralippomenon. Auctor Paralippomenon fuit probabiliter Esdras.

19. In libros Regum scripserunt Lyran. Hugo, Dion. Abulen. Cajetan. & Vatabl. novissimè Franciscus Mendozza, Gaspar Sanchez, Nicolaus Serarius Cornel. à Lap. qui scripsit etiã in lib Paralipp.

*De duobus Libris Esdræ.*

20. Auctor Libri primi est Esdras ipse secundi verò est Nehemias; Dicitur autem Esdræ etiam hic; partim, quòd continet ea, quæ simul ab Esdra, & Nehemia gesta sunt, partim quod olim apud Hebræos, & Grecos uterque hic liber unus erat. Fuit autem Esdras Sacerdos, Pro  
phe-

*Pars I §. I.*

pheta, Icriba, Doct̃or, & totius Sacrae Scripturae deperditae in va-  
stitate Babilonica, ex memoria dictator, & restaurator, vel potius vitiate corrector. Nehemias vero fuit Sacerdos. & Artaxerxis, Persarum Regis Pincer-  
na. Is reducem e captivitate populum numeravit, ac templi, & murorum restorationem con-  
signavit, & perfecit.

21. Liber Esdrae continet ea, quae circa praedictam populi liberationem contigerunt ab Anno primo Monarchiae Cyri usque ad Annum septimum Artaxerxis Regis, quo Esdras e Babylone cum aliis Sacerdotibus, & Levitis rediit in Hierusalem, quod est spatium 73. Annorum. Liber vero Nehemiae continet reaedificationem Urbis Hierosolymae, aliaque ab Anno 7. usque ad Annum 32. ejusdem Artaxerxis.

Scri-

*Tiròcini Theologici*

Scriptit in hos Lib. Lyran. Dion. Vatab. Marian. Corn. à Lap.

22. Tertius, & quartus Liber Esdræ Apocryphi sunt. Vide Cornel. à Lap. de utriusque auctoritate non quidem Canonica, non tamen contemnenda hic differentem. Is Liber tertius Esdræ narrat eadem, quæ narrata sunt libro primo, & secundo, sed quæ ibi breviter dicta sunt, fusiùs hic recensentur, ac nonnulla ibi omiſſa adduntur. Liber verò quartus continet varia documenta, miras visiones, & prophetias præsertim eorum, quæ contingunt in fine Mundi, & est similis libro Apocalipsis. Auctor utriusque aut est Esdras, aut alius Esdræ Personam referens.

*De Libris Tobie, Judith, Esther, & Job.*

23. Liber Tobie describit vitam gesta, & mores utriusque  
Tobi-

*Pars I. §. II.*

Tobiaz. Auctor primæ partis Libri, fuit Pater; Auctor secundæ Partis, filius. Contigit hæc Historia sub Ezechia & Manasse. Scripsere in hunc librum S. Ambros. Beda, Liran. Vatabl. Cornel à Lap.

24. Argumentum libri Judith est ejus victoria de Holoferne, & Assyriis. Contigit hæc Historia probabiliter non ante Captivitatem Babilonicam, sub Manasse Rege Juda, ut non pauci dicunt; sed postea sub Xerxe, ut latè Corn. à Lap. Scripsit in Judith Serarius, Genebr. Pererius, Cornel. a Lap.

25. Argumentũ Libri Esther est humiliatio sepeborũ in Persona Vasthi, & Aman, & exaltatio humilium in Persona Esther & Mardochei, ac liberatio injustè oppressorum in Persona Judæorum. Eodem tempore, quo

*Tirocinii Theologici.*

vixerê Esther, & Mardocheus, floruerunt Esdras, Nehemia, Daniel, Zorobabel, JESUS filius Josedech, Aggæus, Malachias, Zacharias, &c. Auctor Libri Esther fuit, ut creditur, ipse Mardocheus cum Esther. Scripsere in hunc Libr. Lyran. Hugo Dion, Serarius, Sanchez, Fevax-dentius, Cornel. à Lap.

26. Argumentum Libri Iob est Exemplum insigne patientiæ Iob, & providentiæ Divinæ circa ipsum, reliquosquè justos, quos tentari permittit DEUS, ut probet, & coronet. Hujus Lib. Auctor censetur Moyles à Card. Bellarm. aliisque; sed ab aliis ipse Iob, qui natus dicitur Annô Mundi 2230. scripserunt in Iob præter antiquos. Salmeron, Pinada, Calp. Sanctius, &c.

*De libro Psalmodum.*

27. **I** Liber continet laudes DEI, ejus-

*Pars I § II*

ejusquè legis, & viri justi & Sancti, sed præsertim Christi Domini, qui est præcipuum Libri Argumentum. Omnes 150. Psalmi, quibus is Liber constat, sunt ipsius Davidis juxta probabiliorè sententiã. Vide Lorinum in Præs. cap. 2. Innumeri sunt eorum Interpretes. Eminent S. Augustin. inter antiquos, inter recentiores Lorinus, & Bellarm.

*De Libro Salomonis.*

28. SALOMON (inquit S. Hieron. in Comment. in Ecclesiasten) triã volumina edidit, Proverbia, Ecclesiasten, & Canticum Cantorum. In Proverbiis parvulum docens, & quasi officiis per sententias erudiens, unde & ad filium ejus sermo crebrò repetitur. In Ecclesiaste verò maturè virũ etatis instituens ne quidquam in Mundi rebus putet esse perpetuum, sed caduca, & brevia universa, que ceruimus. Ad extremũ jam consumma-

*Tirocinii Theologici.*

*tam virum, & calcato seculo præparatum in cantico Canticorum sponsi, jungit amplexibus.*

29. In Proverbia Salomonis scripsere multi recentiores Osorius Peltanus, Fontius, Nannus, Sixtus Sen. Sidonius Skarga, Baynus, Arboreus, Cornel, Iansen. Post omnes, & præ omnibus fusè & eruditè Ferdinandus à Salazar, & Cornel à Lap.

30. In Ecclesiasten scripsere Greg. Nazianz. Greg. Nyssen. Hier &c. Hugo Victor. S. Bonav. Lyran, Carth. Cajetan. Titelmanus, Ofor. Vatabl. Lorinus, Pineda, Cornel. à Lap.

31. In Cantica scripsere Orig. Nyssen, Philo Carpath. Theodoret. Beda, aliisque multi. Novissimè, & exactissimè, Martin. Delrio. Michaël Gislerius, Ludovic. Sotomajor, Cornel. à Lap.

*De Li-*

*Pars I §. II.*

*De Libris Sapiencie, & Ecclesiastici,*

32. **L**iber Sapiencie tractat de vera Sapiencia non tam speculativa, quàm practica, quæ scilicet est ratio agendorum secundùm DEUM, ac proinde non est aliud, quam DEI cognitio conjuncta cum ejus timore, religione, & cultu. Hujus ergo originem, mores opera, effectus, & præmia is Liber exponit. Est autem incertum, qui hujus Libri Auctor fuerit: an Salomon, ut dicit Sixtus Sen. Iesus Sirach ut putat S. Isidor. & Theodoret. an Philo Senior, qui vixit Anis 160. ante Christum, ut putant alii multi, an unus ex 72. Interpretibus, vel alius Rabbini illius ætatis, ut censere videtur Corn. à Lap.

33. In Sapienciam scripsere S. Bonav. Lyran. Hugo, Dionys. Carth. Rocertus Holcot, Petrus

*Tiròcini Theologici*

de Alliaco, Olor. Vatabl. Corn.  
Jansen. Corn. à Lap. & alii.

34. Liber Ecclesiastici brevi-  
bus sententiis docet omnem mo-  
ralem Philosophiam uberiùs,  
quam Liber Proverb. Salomo-  
nis: agit enim de virtutibus non  
tantùm Ethicis, quæ Personam  
eiusquè concernunt, & perfici-  
unt, sed œconomicis, quæ ad  
familiam, & politicis, quæ ad  
Remp. gubernandam vel utiles  
sunt, vel necessariae.

35. Auctòr hujus Libri à mul-  
tis creditur Salomon, sed Corn.  
à Lap. fuse probat eum fuisse  
IESum filium Sirach civem Ie-  
rosol. virum eximiè sapientem,  
& Prophetam, qui floruit paulò  
post Alexandrum Magnum, tē-  
pore Ptolomæi Philadelphi, &  
72 Interpretum. Scripsit in hunc  
Lib. út in Reliquam Scriptu-  
ram, Rabanus Naurus sub Lu-  
dov.

*Pars I. §. II.*

dov. Pio, ex cujus Rabani scriptis Glossam ordinariam contexit Strabus Fuldenſis Monachus ejus Discipulus. Scripsere etiam Lyran. Hugo, Dionys. Gorram Holcot, Paulus de Palatio, Jorius, Boseus, Corn. Iansen. & à Lap.

*De Libris Prophetarum Majorum.*

36. **D**icuntur Prophetæ majores, qui singuli suos scripsere libros integros, minores autem, quorum Prophetiæ simul unico libro apud Hebræos continentur.

Primus majorum Prophetarum est Isaias, cujus Prophetia est de Adventu Christi, de Nativitate ejus ex Virgine, de vita, de prædicatione, de Regno, de miraculis, de sepultura. Item de vocatione Gentium, de gloria Ecclesiæ. Scripsit in Isaiam Origenes triginta volumina, & 25.

C4 homili-

*Tirocini Theologici*

homilias, quarum novem tantum extant. Scripsere etiam S. Hieron. (ut in reliquos Prophetas cum maxima laude) Rupertus, alique veteres. E recentioribus Leo Castrius, Oforius, Arias Montanus, Gaspar Sanchez, Delrio, Cornel à Lap.

37. Secundus est Hieremias, qui hortatur populum, ejusque principes ad poenitentiam: praedicit etiam imminentem ruinam Hierosolymae, Templi Domini, & totius Regni: Multa etiam de Adventu Christi, de Testamento novo, de quae aliis Christianis mysteriis apertissime. Addit ad finem libri Threnos, id est: Lamentationes carmine scriptas ordine alphabetico, quibus deplorat ærumnas gentis suae, Epistolam quoque ad populum captivum in Babylone, qua eum hortatur, ut in fide persistat.  
Hanc

*Pars I §. II.*

Hanc Epistolam posuit Baruch extremo libro suo.

38. Fuit autem Baruch minister, & amanuensis Hieremiæ, & præter ea, quæ scripsit proprium volumen quinque capitum, in quibus prædicit apertissimè Divinam Incarnationem.

39. Scripserunt in Hieremiam S. Hieron. Raban. Theodor. Rupertus, Thom Lyran. Hugo, Dion Vatabl. Andreas Capilla, & novissimè, exactissimèquè Christophorus à Castro, Jo. Maldonatus, Gaspar Sanchez, Cornel. à Lap.

40. Tertius, est Ezechiel, qui prædicit liberationem sui populi à captivitatè, Adventum Christi Domini, aliaquè ejus mysteria, & structuram Templi, sed obscurè. Scripserunt in Ezech. S. Greg. Lyran. Hugo, Dion. Vatabl. Hector Pintus, Petrus Seranus

*Tirocinii Theologici*

ranus, Corn. à Lap.

41. Quartus, & ultimus est Daniel, qui scripsit multa de Christo, & de tempore adventûs ejus, nec non de morte ejus, & de excæcatione Judæorum item de Antichristo, & præliis ejus. Prædixit progressum quatuor præcipuorum Regnorum, & de bellis futuris inter Græcos, & Perias, & inter successôres Alexandri Magni tam perspicuè, ut ejus prophetia rerum gestarum historia videatur.

Scripserunt in Daniele S. Hieron. Lyran. Dionys Carth. Vatabl. Pererius, Maldon. Pintus, Cornel. à Lap.

*De Prophetis minoribus.*

**D**Uodecim hi sunt, quorum primus Oseas prædixit captivitatem decem Tribuum, & deinde captivitatem etiam aliarû duarum.

42. Joël

*Pars I §. II.*

42. Joel secundus prædicit duabus Tribubus, quibus Propheta datus erat à DEO, Babyronicam captivitatem; & in extremo vaticinio prædicit adventum Messæ, & Spiritus Sancti in Apostolos, & ultimum Iudicii diem.

43. Amos tertius prædixit & ipse captivitatem: & alia gravia flagella, & gravissimè in scelera invecus est.

44. Abdias quartus propheta-  
vit contra Idumæos, & non solum prædixit eorum exitium, sed etiam causam exitii, quia videlicet tempore captivitatis Babyronicæ futuri essent socii Chaldæorum contra filios Isra-  
ël

45. Jonas quintus propheta-  
vit contra Ninivitas, & quam-  
vis agentibus illis pœnitentiã  
DEUS tunc pepercerit, tamen  
poste-

*Tirocinii Theologici*

postea reversis ad iniquitatem  
DEUS exitium immisit, quod  
Jonas prædixit, ut dicitur in lib.  
Tobiæ cap. 14.

46. Michæas sextus prædicit  
primam captivitatem decem  
Tribuum, & secundam duarum  
Tribuum. prædicit etiam adven-  
tum Christi, & nativitatem in  
Bethleem, & conversionem Gen-  
tium.

47. Nahum septimus prædi-  
cit exitium Regis Assyriorum,  
& vastationem Ninive per Chal-  
dæos, nec hos prævalituros con-  
tra Hierusalem, sicut prævalu-  
erant contra Samariam.

48. Habacuc octavus, & di-  
versus ab eo, qui attulit pran-  
dium Danieli, prædicit adven-  
tum Chaldæorum, & Babyloni-  
cam captivitatem, & vastatio-  
nem eorundem Chaldæorum,  
quæ facta est per Medos, & Per-  
sas,

*Pars I. §. II.*

fas, & tandem prædicit adventum Christi, passionem, resurrectionem, & secundum adventum in gloria.

49. Sophonias nonus prædicit excidium Palæstinarum, Moabitarum, Ammonitarum, Æthiopum, & aliarum Gentium, prædicit etiã conversionē Gentium & ruinam Idololatriæ. Deniquè prædicit Christi resurrectionem; Judæorū excæcationem, & exitium ultimum, tandē Ecclesiæ gloriam, & felicitatem.

50. Aggæus decimus hortatur Populum ad readificationem Templi, quod dicit fore multò gloriosius, quã primū: sub intelligit enim Ecclesiã Christi.

51. Zacharias undecimus similiter hortatur ad ædificationem Templi, & ad timorem Domini &c. Prædicit quoquè multa per varias similitudines de fe-

D

lici-

*Tirocinii Theologici.*

licitate Ecclesiæ Christianæ & ultima Judæorum ruina.

52. Málachias ultimus prædicat abolitionem Sacrificiorum Judáicorum, & institutionem Sacrificii novi toto orbe offerendi. Prædicat quoquè ultimum iudicium, & conversionem præcedentem Judæorum per Eliam. Invehitur in negligentiam Sacerdotum, & in alia vitia.

53. Scripserunt in Prophetas minores S. Hieron. Cyrill. Theodor. Theoph. Rabanus, Rupertus, Lyranus, Hugo, Dionysius, & novissimè, exactissimèque Christoph. à Castro, Gaspar Sanchez, Franciscus Ribera, & Cornel. à Lapide, brevissimè Emanuel Sa, & Joannes Mariana, qui duo universam Scripturam exposuere.

*De Libris Maccabæorum.*

54. SCOPUS libri primi, & secundi

*Pars I. §. II.*

& cundi (qui soli sunt Canonici) est conscribere gesta, & praelia Judæ, Jonathæ, & Simonis fratrum Machabæorum contra Antiochum, aliosquè Hebræorum hostes per annos circiter 60. Continuaturn autem in illis historia Populi DEI. Esdras enim desinit in Jeddoa, sive Jaddo Pontifice, qui occurrit Alexandro Magno. à quo liber primus incipit, & historiam Israëlís prosequitur per successores Alexandri, nempe Reges Asiæ, & Reges Ægypti, qui cum Judæis nunc fæderati fuère, nunc gessère bella cruenta, in quibus enituit Machabæorum fortitudo, nempe Judæ, qui omnium primus dictus fuit Machabæus, id est: extinctor, seu occisor, inde sic appellati etiam Jonathas, & Simon, eorúmquè posterii fuerunt autem Judas, ejúsquè fra-

*Tirocinii Theologici*

tres, & posteri electi à Populo,  
& constituti duces, aut Principes,  
non autem Reges.

55. Probabile est primum librum scriptum fuisse à Joanne Hircano filio Simonis fratris Judæ Machabæi, qui patri Simoni in principatum æquè, ac pontificatum successit.

56. Secundi libri historia fusè à Jásonte Cyrensi quinque libris conscripta fuit, quam in Epitomen contraxit. & librum secundum confecit primarius Sacerdos Ita Cornel à Lap. Certe fuit diversus àb auctore primi: narrat enim acta Judæ alio modo quam narrata sint libro primo, nec unquã libri primi meminit.

57. Liber tertius non est canonicus: Habet tamen (inquit prædictus Corn.) majorem auctoritatem, quàm Livius, Curtius, &c. Hic propriè non tractat

*Pars i. § II.*

Etat gesta Machabæorum, sed ea, quæ triginta Annis ante eos contigerunt; Gesta videlicet ab Antiocho Magno, qui fuit Pater Antiochi Epiphânis, cum quo Machabæi decertarunt. Quare ordine Chronologico esset ponendus ante librum primum Machabæorum.

58. Quartus Liber, nec ipse Canonicus, continet Historiam unius & triginta Annorum, hoc est, gesta prædicti Joânnis Hircani ex Machabæis principibus ordine quarti, quique fuit non solum principatu, sed etiam Prophetia, & rebus gestis clarissimus, mortuusquè fuit Anno ante Christi ortum centesimo.

59. Et quia is est finis Historiæ, accipe ejus seriem & ordinem. In Libris Moyſis describitur origo Ecclesiæ DEI. In Libris Josue, & Iudicum ejus pro-

*Tirocinii Theologici*

pagatio, progressus sub Regibus  
in libris Reg: & Paralipp. in qui-  
bus etiã recensentur, quæ passa  
est sub prima Monarchia, nẽpe  
Assyriorum, & Chãldæorũ. De-  
inde in Eldra, Nehemia, To-  
bia, Judith, Esther, comme-  
morantur ea, quæ eidem Ec-  
clesiæ contigere in secunda Mo-  
narchia, nempe Cyri, & Regũ  
Persarum. Tandem in Libris  
Machabæorũ narrantur ea quæ  
eidem acciderunt in tertia Mo-  
narchia Græcorum.

*Argumenta, & Auctores Librorum  
Testamenti novi.*

**N**ihil dicam de Evangeliiis,  
quorum Argumentum, au-  
ctoresquẽ nõrunt omnes:  
Interpretes autem sunt innu-  
meri.

60. Liber Actuum Apostolo-  
rum describit infantiam Eccle-  
siæ, nẽpe ejus fundatiõẽ in Ju-  
dæa,

*! Pars I §. II.*

dza, & samaria. Mox propagationem Evangelii per Syriam, Lycaoniam, Pamphylia, Græciam, aliásquè gentes, operâ Apostolorum, & præsertim S. Pauli factam. Ejus Auctor fuit S. Lucas Medicus Antiochenus; inde Pauli discipulus.

61. Epistolæ S. Pauli duplex objectum spectant (inquit Cornel. à Lap.) doctrinam scilicet, & mores Christianos. Quibusdam Christianos quosdam Judaizantes impugnat eorûq; opera nêpe cæremonias Iudæas. Id facit Epistolis ad Romanos, ad Galatás, ad Philippenses, ad Hebræos. Aliis hæreses nascentes perstringit, nempe Simonis-Magi cum sua sobole id est: Menandri, Saturnini, Basilidis Gnosticorum, Carpocratis, &c. Id facit Epistolis ad Ephesios, ad Colossenses, ad Timotheum,

D4. Reli-

*Tirozinii Theologici*

Reliq; privatime eos, ad quos scribit, instruit, eorū dubia, resolvit eosq; in fide, & Officio Christiano confirmat, & perficit. Id facit Epistolis, ad Corinth. ad Thessal. ad Timoth. ad Tit. Philemon.

62. Ordo autem temporum, quibus scriptæ sunt hæ Epistolæ, hic est. Primò scripta est Epistola prior ad Thessalon. Corinthi Anno Christi 52. Secundò posterior ad Thessal. pariter Corinthi Anno 53. Tertiò prior ad Corinth. scripta est Ephesi Anno 57. Quartò prior ad Timoth. in Macedonia, vel potius Laodiceæ Anno 67. Quintò secunda ad Corinth. scripta Nicopoli Anno 58. Sextò ad Galat. Anno 58. Septimò ad Rom scripta Cenchrus apud Corinthum Anno 58. Octavò Epistola ad Tit. in Græcia Anno 58. Nonò secunda ad

*Pars I § II.*

ad Timoth. Romæ Anno 59.  
Decimò Epistola ad Ephes. Ro-  
mæ Anno 59. Undecimò ad  
Philippens. Rom. Anno 60. Du-  
odecimò ad Coloss. Romæ An-  
no 60. Decimotertiò ad Philem.  
Anno 60. Decimoquartò ad  
Hebr. Rom. Anno 60.

64. Reliquæ septem Epistolæ  
vocantur Catholicæ, id est; non  
privatæ. seu ad Personam priva-  
tam scriptæ, sed universales, &  
ad universam Ecclesiã dire-  
ctæ.

S. Petrus totus est in sancti-  
tate Christiana, S. Joannes in  
Charitate, S. Iacobus in Orati-  
one, S. Iudas in fide Orthodo-  
xa commendanda.

65. Apocalypsis argumentũ  
varium affertur, ùt varia est Do-  
ctorum interpretatio. Cornel à  
Lap. dicit esse duplex. Primum  
est hortatorium & increpatori-  
um

*Tirocinii Theologici*

um usque ad cap. 4. corripit enim mores septem Episcoporum Asiae. Alterum est Propheticum; praedicit enim res in Ecclesia futuras, praesertim sub finem Mundi tempore Antichristi.

66. Scriplere in Apocal innumeri ex veteribus. E recentioribus singulas hujus Prophetiae partes explicat appositè ad litteram Franciscus Ribera; Blasius Viegas luculentè, & moraliter, Benedictus Pererius doctè & floridè, sed in sola octo priora capita. Ludovicus Alcazar prolixè, ingeniosè, & eruditè, sed forte non satis solide, Corn. à Lap. solidius, ut videtur.

67. Ex his habes, libros sacros alios esse legales, quibus videlicet lex continetur ut est Pentateuchus, & quatuor Evangelia; alios Historicos, ut

Lib.

*Pars I § II.*

Lib. Iosue. Iudic. Ruth Reg.  
Paralip. Eisdra, Tobia, Judith,  
Esther, Job, Machab. & Acta A-  
postolor. Alios sapientiales, in  
quibus sapientia exponitur, nē-  
pe Proverbia, Ecclesiastes, Can-  
tica, Sapientia, & Ecclesiasticus,  
& 21 Epist Apostolorum, alios  
demum Propheticos, nempe  
Lib. Psalmorum & reliquorum  
tam majorum quam minorum  
Prophetarum cum Apocalypsi.

*§. III.*

*De summa horum librorum  
auctoritate, & horum tantum.*

*Disc.* **S**untne omnes prædicti  
Libri Canonici, dictati  
videlicet ab ipso Spiritu  
Sancto, & ut tales ab Ecclesia  
recepti?

68. *Mag.* Omnes illi, quos e-  
nume-

*Tridentini Theologici*

numeravi §. I. hujusmodi, ut constat ex Innoc. I. scribente ad Euxuperium, ex Concilio Romano sub Gelasio, & Florentino in Instructione Armenorum, ac tandem ex Tridentino Sess. 4.

69. Nec obstat, quòd ab Hebraeis non haberentur pro Canonicis hi quinque Libri; nempe Tobiae, Iudith, Sapientiae, Ecclesiastici. & Machabeorum, imo nec ab omnibus in veteri Ecclesia. Non enim Canon Hebraeorum, sed Ecclesiae facit Libros Canonicos: Ecclesia autem vetus nondum definierat praedictos omnes Libros esse recipiendos, ut à Spiritu Sancto dictatos.

70. *Dise.* At quoniam sic definivit Ecclesia, cur Lutherani negant habendam pro scriptura Canonica & divina Epistolam Pauli

Pauli  
Jac  
den  
M  
mn  
reji  
Hæ  
Lib  
ras  
vileg  
suma  
de I  
DEL  
7  
prat  
non  
M  
les h  
tius,  
tius.  
Pfal  
Job.  
Hern  
Hæc

*Pars I. §. III.*

Pauli ad Hebr. Item Epistolam Jacobi, & Epistolam Iudæ, ac demum Apocalypsim Ioannis?

*Mag.* Ex eadem causa, qua omnes veteris Testamenti Libros rejiciebant Manichæi, aliique Hæretici, de quibus S. Aug. in Lib. de dono persever. *Scripturas sic accipiunt, ut suo quodam Privilegio, imò Sacrilegio, quod volunt, sumant, quod nolunt rejiciant.* Vide Bellarm. Tom. 1. de verbo DEI.

71. *Disc.* Fueruntne alii Libri, præter prædictos, habiti pro Canonicis?

*Mag.* Fuerunt quidem ut tales habiti olim ab aliquibus tertius, & quartus Liber Esdræ tertius, & quartus Machabæorum Psalmus 151. Appendix Libri Job. Oratio Manasse, & Liber Hermetis, qui dicitur Pastor. Hæc tamen pro scriptura Cano-

E

nica

*Tirocinii Theologici*

nica nunquam habuit Ecclesia; non enim aliqui soli Ecclesia sunt; modo autem nullus Catholicus ut tales eos recipit, sed eos tantum, quos recensuimus cum Tridentino

72. *Disc.* Qui Canonici sunt, suntne illi ipsi, quos Spiritus Sanctus dictavit?

*Mag.* Utique.

*Disc.* At quomodo post tot secula, post tot Iudæorum, qui eos custodiere, discrimina, vicésque varias, ad vos pervenerunt incorrupti?

*Mag.* Divina Providentia id factum fuit. Ut enim hæc effecit, ut apud aliquos semper maneret vera Fides, semperque in terris maneret Ecclesia, sic effecit, ut maneret semper vera Fidei doctrina. Hanc autem incorruptæ doctrinæ laudem non  
omnis Sacrorum Librorum editio

*Pars I. §. III.*

tio sibi vindicat, sed quam Ec-  
clesia probavit.

*§. IV.*

*De variis Sacrorum Li-  
brorum editionibus.*

73. *Disc.* **Q**uot sunt Sacrorū  
Librorum editio-  
nes, & quæ ex i-  
psis est ea, quā dicis incorruptā.

*Mag.* Disces modò, sed antea  
monendus es, autographos, seu  
originales ac primævos veteris  
Testamenti codices fuisse omnes  
Hebraicos, exceptis Tobix, Iu-  
dith, Esdræ, & Danielis Libris  
Chaldaice primùm datis, & se-  
cundò Machabæorum Libro,  
quem fuisse primitivè Græcè con-  
scriptum testatur S. Hierony-  
mus. Originales verò novi Te-  
stamenti Libri fuere primitus

E2

Græ

*Tirocinii Theologici*

Græci, excepto Evàngelio secundùm Mathæum, quod fuit Hebráica, idest Syriaca tunc Hæbræorum vulgari lingua primitus conscriptum, & excepta pariter Epistola Pauli ad Hebræos, quam fuisse Hebraicè à S. Apostolo scriptam, contendit S. Hieron. contra Origenem, qui eam Græcè exaratam arbitratur. Excipiunt aliqui etiam Evàngelium secundùm Marcum, quod putant Latinè à S. Evangelista traditum.

74. Hæc autem autographa, seu Originalia scripturarũ modò habemus nulla, sed solùm apographa, seu Exemplaria varia, editionesque varias, quæ ad quatuor reducuntur.

Prima editio Hebraica est, quã captivitatis Babylonicæ tempore ex integro, & quoad omnia Exemplaria deperditam Esdra Divi

*Part. I. §. IV.*

Divino plenus Spiritu de novo, & ex integro quinque Scribis memoriter dictavit, vel saltem, ut probabilius dicunt alii, ex parte deperditam, vitiatam, & corruptam pristinae fidei restituit. Cum hac, vel ex Rabbiorum ignorantia, qui post S. Hieronymi tempora puncta perperam addiderunt, vel ex Amanuensium injuria, aut imperitia non penitus consentit ea, quae hodie extat. Et quamvis ejus errores non videntur esse tanti momenti, ut ejus quoad fidem, & bonos mores cum originali conformitatem impediant; authentica tamen non est, cum haec ipsa conformitas nullo nobis Ecclesiae judicio constet.

75. Ad Hebraicam reducitur Chaldaica, cum ex Hebraica prodierit lingua Chaldaica. Haec autem editio, quae potius paraphras

*Tirocinii Theologici.*

sis est, quàm versio, est absq̄; du-  
bio impura, variisq̄; Iudæorū  
fabulis, & Thalmudistarum nu-  
gis scatet: utilis tamen esse po-  
test ad Iudæos de Sanctissimæ  
Trinitatis & venerandæ Incar-  
nationis mysterio convincen-  
dos.

76, Ad Hebraicam similiter  
pertinet Syriaca; hæc enim lin-  
gua ab Hebraica, & Chaldaica  
orta est. Hebræi siquidem Ba-  
bylone degentes captivi ita  
Chaldaicè loqui cæperunt, ut ta-  
men Hebraismos aliquos in ver-  
bis, & pronunciatione retine-  
rent; hinc orta tertia lingua,  
quæ à regione dicta fuit Syri-  
ca, quæque deinceps Hebræis  
cæpit esse vulgaris, & materna,  
quâ Christus Dominus creditur  
usus, & modò utuntur Maroni-  
tæ, qui Libanum incolunt. Quã-  
vis autem hæc editio magnæ au-  
thori-

*Part I. §. IV*

thoritatis non sit, cùm hanc aut  
Divinam, aut autographam, aut  
autographo conformem nondũ  
declaraverit Ecclesia, magnæ  
tamen utilitatis esse potest. Pri-  
mò ad Latinam nostram multis  
in locis firmandam. Secundò ad  
loca aliquot obscura penetranda.  
Tertiò ad revincendos Luthe-  
ranos, cùm in titulis & capitũ  
inscriptionibus mentionem fa-  
ciat jejuniorum Quadragesimæ,  
venerationis Sanctæ Crucis, com-  
memorationis defunctorum, a-  
liarumque similium rerũ, quas  
tanquam Romanorum Pontifi-  
cum traditiones respuunt Lu-  
therani.

77. Editio Samaritana Penta-  
teuchi non differt ab Hebraica,  
nisi penes characteres. Testatur  
enim S. Hieron. in prologo ga-  
leato, Eldram novos invenisse  
characteres, & tradidisse Iudæis,

*Tirocinii Theologici*

antiquos relinquendo Samaritanis Hæc editio antiquissima est, & ut olim fuit, ita modò esset ingentis authoritatis, si ad nos pervenisset illibata adhuc tamen utilis est ad elucidandum vulgatæ editionis sensum.

78. Secunda editio Græca est: hæc autem multiplex fuit. Novem præsertim inter alias numerantur à Scriptoribus sacris. Omnium prima est septuaginta Interpretum, secunda est Aquilæ, tertia Symmachi, quarta Theodotionis, quinta, & sexta incerti auctoris, septima S Luciani Martyris, octava Hesichii Monachi, nona Origeniana. Præcipua inter has est ea septuaginta duorum Interpretum leniorum Hebræorum, qui jussu Ptolomæi Philadelphi Ægyptiorum Regis ducenti, & quinquaginta circiter annis ante Christum natam

tum

*Pars I. §, IV.*

tum feni ex qualibet Tribu, & utriusque linguæ, Hebraicæ, nimirum, & Græcæ peritissimi spatio 72. dierum in insula Pharos mirabili cōsēfione, Divinas literas ex Hæbraica lingua in Græcū idioma transtulerunt. Hâc olim usi sunt Apostoli, & Evangelistæ, sempérque ula est Ecclesia Græca; Latina veró per lexcentos circiter annos, nec unquam fuit reprobata; authentica tamen modò non est, cùm non sit pura, suóque conformis originali. teste S. Hieron. in præfatione ad Paral. Utilis tamen est ad vulgatam nostram elucidandam. Cùm vero hæc, quæ est præcipua, authenticata non sit, absque dubio nec erunt reliquæ Græcæ versiones.

79 Tertia editio Latiná est, quæ adèò multiplex fuit, ut innumeras hujusmodi versiones fuisse dicat S. August. Duæ inter has

*Tirocinii Theologici*

has præcipuæ fuere: una antiqua incerti Auctoris, quàm Italianam, idest Latinam vocat S. August. communem S. Hieron. veterem S. Greg. Altera nova à S. Hieronymo data, qui jussu S. Damasi Romani Pontificis vetus testamentum ex Hebræo Latinum fecit, & novum Græcæ fidei reddidit. Diu fuit magnalis in Ecclesia, utra ex his præferenda esset, sed non longè post S. Gregorii tempora conflata est una ad communem Ecclesiæ usum. quæ nec antiqua, nec nova, sed vulgata communis dicta fuit quia nimirum Libri nonnulli leguntur in ea eo modo, quo in antiqua, & alii eo modo, quo in nova, & hæc est hodierna vulgata nostra multorum sæculorum usu in Ecclesia recepta, & de qua tandem speciali Concilii Tridentini Decreto provisum est.

est  
tu  
rej  
8  
qu  
qu  
cu  
cu  
ps  
ex  
op  
Ge  
Po  
ca,  
la  
lis  
pra  
cor  
col  
fa,  
vul  
nur  
mag  
men  
ri pa

*Pars I. §. IV.*

est Sess. 4. *Ut pro authentica habetur & ut eam nemo quovis prætenu rejicere audeat, vel præsumat.*

80. Quarta editio vernacula est, quæ tam multiplex esse potest, quàm multæ sunt linguæ vernaculæ, nempe vulgares, & propriæ cujusque regionis. Et quidẽ reipsa fuere multæ præcipuè tamen ex oriëntalib9 fuerẽ Arabica, Æthiopica, Persica & ex Occidẽtalib9 Germanica, Gallica, Hispanica, Polonica Anglica, Italica Hũgarica, Belgica, Hibernica, quarũ nulla authentica est, quia nulla ut talis declarata fuit ab Ecclesia quæ præterea duo circa has versiones constituit. Primũ, ne in publico Ecclesiæ usu, præsertim in Missa, legantur passim Scripturæ in vulgari lingua: sic enim Tridentinum Sess. 22. v 8. *Et si Missa contineat magnã populi fidelis eruditionẽ non tamen expedire visũ est Patrib9, ut vulgari passim lingua celebraretur.* Alte-

*Tirocinii Theologici*

Alterum, autem ne hujusmodi vulgares Sacræ Scripturæ versiones omnibus indiscriminatim legi permittatur, cum juxta quartam Indicis Regulã à Sixto V. & Clemente VIII. approbatam, *experimento manifestum sit, plus inde detrimenti, quam utilitatis oriri ob hominum temeritatem.*

81. Ex his infer, solam vulgatam Latinam esse authenticam, & Fidei nostræ Regulam, siquidem de sola hac nobis constat ex definitione Ecclesiæ esse verè Divinam, nempe conformem textui Originali. Ad solã autem Ecclesiam: quæ infallibilis est, pertinet id definire. Quare optime Aug. *Evangelio non crederem, nisi me Ecclesiæ commoveret auctoritas.*

82. *Disc.* Sũntne omnia, quæ continentur in Scripturis, dicta-

ta  
Sa  
tem  
mi  
qu  
tim  
Al  
cut  
alia  
Et  
rib  
Sp  
nè  
cu  
scr  
ces  
om  
sua  
tiu  
pro  
po  
run  
DE

*Pars I. §. IV.*

ta Scriptoribus sacris à Spiritu Sancto.

*Mag.* Videtur probabilior sententia Melchioris Cani, Bellarmini, Andreæ de Vega, aliorumque docentium, aliqua præsertim ex naturaliter notis, ut quòd *Alexander constituit prælia multa*, sicuti dicitur 1. Machab. cap. 1. aliâque hujusmodi non esse dictata à DEO, sed ab ipsis Scriptoribus sacris dicta assistente tamè Spiritu Sancto, ac providente, nè quid falsum, vitiosum, & quocunque modo reprehensibile scriberent. 1. Quia non erat necessarium ut DEUS ipse dictaret omnia. 2. Quia ipse S. Lucas in suæ Historiæ Evangelicæ præfatiuncula se omnia scripturum promittit, ut audivit ex ore Apostolorum, qui *ab initio viderunt*: diceret autem, *ut accepi à DEO dictante*, ut dixit Sanctus

**F**

Pau.

*Tirocinii Theologici.*

Paulus ad Galat. c. 12. loquens de Evangelio, quod prædicabat. *Neque enim ego ab homine accepi illud, neque didici, sed per revelationem JESU Christi;* Ut similiter dicunt passim Prophetæ, quorum sunt ea. *Hæc dicit Dominus, vel factus est sermo Domini ad me dicens.*  
3. Quia idem Paulus 1. ad Cor. cap. 7. distinguit inter ea, quæ erant præcepta, & dictata Divina ab iis, quæ ipsi non erant à Deo dictata. Nam dicit; *Præcipio non ego sed, Dominus,* & paulò post: *Cæteris dico ego non Dominus,* quamvis hæc ipsa sua doctrina esset à Spiritu Sancto sibi assistente, unde subdit, *Puto autem, quòd & ego Spiritum DEI habeam.* Nec facit, quòd passim Patres dicant, nullam esse Syllabam in Scripturis, quæ non sit plena mysterio, quæque non habeat multos sensus: id enim dicunt, ut significant<sup>r</sup>

Pars I. §. V.

cent sic esse ferè semper. Cæte-  
rum quem alium sensum, quàm  
litteralẽ continent ea verba: *A-  
lexander constituit prælia multa?*

§. V.

*De multiplici Librorum Sacro-  
rum sensu.*

83. *Disc* **Q**Uoniam de sensu  
scripturæ sermo  
incidit, quotu-  
plex ille est? & quis est? Audivi  
enim non semel esse multipli-  
cem.

*Mag:* Respondet S. Gregorius  
Nazianzenus in Epist. ad Ne-  
mes. *Est in scripturis nostris duplex  
sensus; alter internus, & Spiritu-  
alis, alter externus, nec litteræ corti-  
cem excedens. Externus, qui &  
litteralis dicitur, est ille, quem i-  
psa verba proximè, & immedia-  
tè nobis exhibent. Spiritualis-*  
verò,

*Tirocinii Theologici*

verò, qui & mysticus dicitur, non per ipsa verba, sed per rem verbis significatam nobis à Spiritu Sancto exhibetur. Et quia Spiritualis iste sensus, seu potius significatū ipsum vel pertinet ad Fidem, & Ecclesiam militantem, vel ad morum instructionem, & officia charitatis, vel ad vitam æternam, quam speramus, & ad triumphantem Ecclesiam, ideò triplex est iste sensus mysticus & Spiritualis; & primus dicitur allegoricus, secundus tropologicus, seu moralis, tertius anagogicus. Hi quatuor Scripturæ sensus hoc duplici versu designari solent.

*Littera gesta docet: Quid credas  
Allegoria.*

*Moralis quid agas: quid speres  
Anagogia.*

Dum igitur Genes. i. dicitur,  
*Fiat-*

*Pars I §. V.*

*Fiat lux*, literaliter significatur creatio lucis facta à DEO veluti primogenita creaturarum. Allegoricè significatur Christus lux mundi, & *primogenitus omnis creature*, ut vocatur ab Apostolo ad Coloss. 1. 15. Tropologicè significatur gratia Spiritus Sancti, quâ anima justificatur, ornatur tâquâ luce, & disponitur ad actus, & officia virtutum, & præsertim charitatis. Anagogicè significatur lumen gloriæ, de qua dicitur, *Lux perpetua luceat eis.*

84. Quamvis autem Sancti Patres Ecclesiæ Doctores modò unum, modò alterum sensum ex quatuor recensitis in interpretandis Scripturis proponât; aliqui tamen in uno sensu exponendo præcipuam operam collocârunt, alii in alio. Quæ autem fuerit in hoc cuiusque  
laus

*Tirocinii Theologici*

laus, discas à Sixto Senensi id exprimente lib. 3. Bibl. his verbis.

*(Iam Historiã Hebreis & Græcis fontib; hau Hieronymo discas duce.*

*Allegorias, Anagogiã que recludent Origenes. & Ambrosius.*

*Exponent sensus formãdis morib; aptos Chrysostomus, & Gregorius.*

*In dubiis, aliãque lucis caligine mersis Aurelius lucem feret.*

§. VI.

*De Interpretatione Sacrorum librorum.*

85 *Disc.* **L**icetne cuique Sacram Scripturã exponere?

*Mag, Nec licet cuique exponere, nec ulli licet quovis modo exponere. Nam qui Doctõr in Theologia non est, exponere Scri-*

*Pars I. § VI.*

Scripturam Sacram non debet  
Id enim munus Sacri Doctoris  
est, nempe ejus, qui doctrinam  
Fidei bene caller ex longo stu-  
dio, ut graduati doctores, vel ex  
dono DEI, ut Catharina Senen-  
sis, Theresia, aliique Sanctissi-  
mi utriusque sexus homines,  
quos Propheta Joel longè ante-  
a indigitavit dicens cap. 2. v 28.  
*Effundam de Spiritu meo super omnem  
carnem & prophetabunt filii vestri,  
& filiae vestrae.*

86. Qui verò hanc interpre-  
tandi Provinciam suscipit, me-  
minerit primò, se tractare Cæle-  
stia Sacramenta: Sancta autem  
Sanctè tractanda sunt, nempe  
cum quodam timore, & reve-  
rentia, non verò ea ratione, qua  
Homeri carmina, aut aliud hu-  
jusmodi exponeretur.

Meminerit secundò se abdita  
Fidei nostræ mysteria evolven-  
da

*Tirocinii Theologici*

da suscipere, opus proinde sibi esse luce superna, sine qua omnis terrenæ sapientiæ lux aut inutilis est, aut etiam noxia, si præsertim insit animo superbo, aut pervicaci.

Meminerit tertio, se Divini Spiritûs interpretem agere; non igitur ad sensus aut ridiculos, aut absonos aut futiles, aut alienos verba detorqueat, ut faciunt qui non sequuntur ipsi, quod innuunt verba, sed ea cogunt sibi servire, nempe ea, quæ animo præconceperunt, veluti dicta à Spiritu Sancto, designare.

Meminerit quarto, verba Scripturæ in proprio sensu esse accipienda & non in improprio, quando evidens ratio, vel autoritas ad improprium & Metaphoricum non compellit. Hanc Regulam, quæ maximè lucem habet in locis, quæ ad dogmata fidei,

*Pars I §. VI.*

fidei, vel ad Historias pertinent, tradunt apud Suarium in opere lex dierum lib. 1. cap. 6. n. 4. & alibi Doctores, Patrésque, nempe Dion. cap. 4. de Div. Nomin. Basil. hom. 1. Examer. & præsertim hom. 9. Nyss. in principio Examer. Ambros. toto lib. 1. Examer. & lib. 2. cap. 1. Aug. lib. 8. Gen. ad lit. cap. 1. Beda in Examer. D. Th. 1. p. q. 65. 66. 67. & reliqui Scholastici cum Mag. in 2. d. 12.

Meminerit quintò, proprium ipsum sensum ex loco, & tempore, & aliis ejusdem Scripturæ locis eruendum. Ad hanc Regulam si respexissent Arius, & Lutherus, nec ille ex eo, quòd Filius semel dicat Patrem esse se majorem, collegisset Verbum non esse consubstantiale Patri: nec iste, & reliqui Novatores non pauci ex eo, quòd Paulus  
asse-

*Tirocinii Theologici*

asserat fidem reputatam Abrahamo ad Justitiam, & ei qui operatur, mercedem non imputari secundum gratiam, collegissent, fidem sufficere ad justificationem.

Meminerit sextò Decreti Concilii Tridentini Sess. 4. quod ita habet. *Præterea ad coercenda petulantia ingenia decernit, ut nemo sue prudentiæ innixus in rebus Fidei, & morum ad ædificationem doctrinæ Christianæ pertinentium Sacram Scripturam ad suos sensus contorquens, contra eum sensum, quem tenuit, & tenet Sancta Mater Ecclesia, cujus est judicare de vero sensu, & interpretatione Scripturarum, aut etiam contra unanimum consensum Patrum ipsam Scripturam Sacram interpretari audeat.*

Meminerit tandem, Lingux Hebraicæ notitiam esse perutilem, imò necessariam interpre-

Pars I. §. VI.

ti Scripturarū. Qui enim eas ex lingua Hebraica in alias linguas, inque ipsam nostram Latinam verterunt, ut magis textui genuino inhærerent, phrasim, & modum loquendi Hebraicum, qui magnam quandoque obscuritatem ejus linguæ ignaris facit, retinuerunt. Hebræi ex. gr. non utuntur usitatis apud nos comparationum particulis *sicut, sicut, quemadmodum, tamquam*. Has quandoque omiserunt etiam, qui scripturas transtulêre; hinc obscuritas illius v. 31. Psalm. 64. *Increpa feras arundinis, Congregatio taurorum in vaccis populorū*. Cujus is sensus est Increpa, redargue principes viros Israelitici populi, qui ferociunt, & devastant omnia tanquam feræ in arundineto, quique, tanquam tauri multi inter vaccas, lasciviunt in populis sibi subjectis.

Cate-

*Tirocinii Theologici*

Cæterùm cum innumeram,  
iique doctissimi interpretati  
sint exactissimè Scripturas Sa-  
cras, vix nobis hac in re scriben-  
di locus relictus est. Consultius  
proinde fuerit eos legere, qui  
hac in re primas tulerunt, eo-  
rùmque labore ad docendũ qui-  
dè alios, qui legere non pos-  
sunt, non autem ad scribendũ,  
recoquendũque quæjam scri-  
pta fuere, proficere.

Sed hæc satis sint ad aliquam  
primæ Theologiæ, quæ Sacras  
Scripturas interpretatur, notiti-  
am cõparandam; nunc agendũ  
de secunda, nẽpe de speculativa.



TIRO-

TIROCINIUM  
THEOLOGICUM  
THEOLOGIAM  
SPECULATIVAM  
Seu  
SCHOLASTICAM  
EXPONENS



PARS  
SECUNDA



# DISTRIBUTIO

## *Tirocinii Theologici*

### Partis Secundæ.

PARS II. *De Theologia speculativa*

§. 1. *De ejus antiquitate, & methodo*

§. 2. *De Locis Theologicis*

1. *Locus. Scriptura Sacra*

2. *Locus. Traditio Divina 45. Hic agitur de Traditionibus.*

3. *Locus. Concilia 48. Hic agitur de Conciliis & recensentur legitima &c.*

4. *Locus. Pötificum definitiones 61. Hic multa circa Pontifices.*

5. *Locus. Patrum doctrina 97. Hic SS. Patres, eorūq; scripta recēsentur.*

6. *Locus Ratio.*

TIRO-

— ( + ) —



TIROCINII  
THEOLOGICI  
PARS II.

*In qua agitur de Theologia  
Speculativa*

§. I.

*De ejus antiquitate, & methodo*

1. *Disc.* **E**stne hæc facultas recens inventa, ut audio à multis dici?

*Mag.* Nempe ab iis, qui novum, & Patribus ignotum appellant, quidquid ipsi despiciunt. Sed hos interroga, an recens esse possit ea facultas, de qua tam expressè S. Augustinus lib. 2. de Doctr. Christiana

G2

cap.

Tirocinii Theologici

cap. 31. *Disputationis disciplina ad omnia genera questionum, que in literis Sanctis sunt, penetranda, & dissolvenda plurimum valet: tantum ibi cavenda est libido rixandi, & puerilis quedam ostentatio decipiendi.* Eandem laudat lib. 14. de Trin. cap. 1. dicens eam esse, *per quam fides saluberrima in nobis gignitur, nutritur, defenditur, roboratur*

2. Et quidem sine ea traditur doctrina Fidei pueris, rudibusq;, qui nihil interrogant, nihil obijciunt, sed audita memoriter discunt, & simpliciter credunt, non autem viris cultis, qui quod audiunt, intelligere cupiunt, & curant quantum possunt; & multo minus hostibus Fidei, qui quod audiunt, impugnant. Fuit igitur semper in Ecclesia DEI hæc facultas, sine qua citra errandi periculum nequit Evangelicus Præco suo munere fungi. Ad  
sum-

*Pars II. §. I.*

summum perantiqua non est Methodus, & Ordo, quem modò Doctores in hac Facultate tractanda custodiunt.

3. Totam enim Fidei doctrinam tractandam à Theologo, explicandamque redegit in quatuor libros circa An. 1145. Petrus Lombardus Episcopus Parisiensis, dictus ab hoc opere Magister sententiarum. Quæ enim in unaquaque questione Doctorum sententia esset, exposuit. Primus horum librorum continet doctrinam de Trinitate, & unitate DEI. Secundus de creatione mundi, ac præcipuè Angelorum, & hominum, & de Gratia DEI. Tertius de Incarnatione Verbi, deque virtutibus, & vitiis. Quartus de Sacramentis, & novissimis, id est Resurrectione, Judicio &c.

4. Hos libros explicandos suscepere, qui postea per aliquot, sæcula Theologiam hanc disputatricem tradidere; inque libros sententiarum Petri Lombardi scripsit ipse D. Thomas, quamvis postea paulò aliter in

### *Tirocinii Theologici*

summa materiam Theologicam digesserit in tres partes, quarum tamen secunda dividitur in duas, quarum prima dicitur prima secunda, secunda verò dicitur secunda secunda. In prima agit de Deo uno, & trino, de creatione, de Angelis, ac de homine, præsertim primo. In secundæ partis prima parte agit de Beatitudine, de actibus humanis, de Legibus, de Gratia & Merito. In altera parte hujus secundæ partis agit de virtutibus in particulari, nempe de Fide, Spe, Charitate, Sapientia, Prudentia, Iustitia, Religione, Pietate, Obedientia, Gracitudine, Veritate, Liberalitate, Fortitudine, Temperantia; & de Vitiis oppositis, ac tandem de Gratiis gratis datis. In tertia parte agit de Incarnatione Verbi Divini, de ejusdem Christi Nativitate, manifestatione, Baptismo, Conversione, Tentatione, Doctrina, miraculis, Passione, Morte, Resurrectione, ac de Sacramentis ab eo institutis.

5. Hac eadem, aut non admodum  
diffi-

*Pars II. §. I.*

diffimilira tione modò traditur in plerisque aut præcipuis Orbis Catholicij Academiis.

6. Hæc. autem à Theologo Scholastico tractantur ordinatissimè, non coacervando videlicet, ut fiebat olim, à multis multas circa idem propositum sententias, idque ipsum verbis sæpe impropriis, & oratoriè magis quàm scholasticè productis, sed proponendo clarè, ac disertè sententiam suam, eamque validis argumentis stabiliendo, ac demum ea, quæ ab adversæ sententiæ propugnatoribus proferuntur: aut proferri possunt, convellendo. Hæc methodo D. Thomas, aliique pauci ante ipsum, omnes post ipsum Theologicas quæstiones agitarunt.

*§. II.*

*De Locis Theologicis.*

*Disc.* **A**T unde pètitis hæc argumenta, quibus vestram sententiam Theologi Scholastici confirmatis?

*Tirocinii Theologici*

7. *Mag.* Pecimus ex Scripturis, ex Traditione, ex Conciliis, ex Pontificum definitionibus, ex Patribus, ex ratione ipsa.

*Primus locus Theologicus Scriptura Sacra.*

8. **D**E hoc satis actum est supra. Nunc addo hoc tantum, ex Scripturis in sensu literali acceptis erui aut unicè, aut maxime Theologicum argumentum.

*Secundus locus Theologicus Traditio Divina.*

9. **N**omine Traditionis significamus hic Doctrinam Sacram non scriptam, sed viva voce, quasi de aure in aurem successivè traditam, quæ alia est Divina, alia Apostolica, alia Ecclesiastica, nempe alia profecta ab ipso DEO docente, alia ab Apostolis, alia ab Ecclesia. Quæ rursus alia est de Fide, alia de moribus, alia universalis pro tota Ecclesia, alia particularis

*Pars II §. II.*

cularis pro Ecclesia particulari. Traditio Divina, est, e. g. doctrina, quam habemus de perpetua DEIPARÆ Virginitate, de non rebaptizandis Hæreticis, de Invocatione Sanctorum, de Sacrarum Imaginum cultu, de Septenario Sacramento-  
rum numero. Hæc enim in Scripturis non continentur, sunt tamen Fidei doctrina: non igitur doctrina scripta est, sed tradita, igitur traditiones sunt.

10. Traditio Apostolica alia est Apostolica Divina, quæ est ab Apostolis, ut Christi Præconibus, seu nomine Christi loquentibus, quam videlicet ipse Christus immediate docuit Apostolos, & hi Ecclesiam, ut sunt prædictæ, & aliæ multæ ante, & post resurrectionem Apostolis consignatæ: alia est purè Apostolica, quæ est ab Apostolis, ut Ecclesiæ Pastoribus, ac proinde non descendit à Christo, sed ab ipsis Apostolis, assistente tamen Spiritu Sancto. Hujusmodi sunt, quatuor temporum institutio, Christ-  
matis

### *Tirocinii Theologici*

matis r noyatio annis siagulis faci-  
enda &c. De primi generis tradi-  
tionibus, vel etiam de utriusque  
loquitur Apostolus 2. ad Thessa-  
lon. c. 2. v. 15. *State, & tenete tra-*  
*ditiones, quas didicistis, sive per sermo-*  
*nem, idest: viva voce, sive per Epi-*  
*stolam, idest: scripto.*

II. Traditio Ecclesiastica est illa,  
quæ nec à Christo, nec ab Apo-  
stolis, sed postea ab Ecclesiæ Præ-  
latis, vel à populis, Prælatiis con-  
sistentibus, introducta est, & tan-  
dem per modum legis vel consue-  
tudinis communiter recepta; & ad  
nos usque delata, ut est solemnitas,  
& observatio quorundam fe-  
storum: jejunium in pervigiis ali-  
quorum Sanctorum; abstinentia à  
carnibus die Veneris, vel Sabbati;  
antiquus Candelarum, Cinerum,  
Palmarum, & similium benedicti-  
onis usus, aliæque hujusmodi.

12. *Disc.* At unde cognoscam, ali-  
quam traditionem esse Divinam, vel  
purè Apostolicā, vel Ecclesiasticā.

*Mag.* Ex communi Patrum con-  
sensu,

Pars II. §. II.

sensu, vel Ecclesiæ definitione. Ex hoc cap. est traditio Divina perpetua B. MARIE Virginitas. Rursum ex eo, quod materia auctoritatem humanam excedat, ut quæ pertinent ad numerum, vel substantiam Sacramentorum. Distingues Apostolicam ab Ecclesiastica ex eo, quod non constat de illius initio: Jam enim incepit cum Ecclesia, & vel est Apostolica Divina, vel pure Apostolica, ut quod aqua miscenda sit calici. *Quod Universa tenet Ecclesia* (inquit S. August. lib. 1. contra Donat cap. 24.) *nec Conciliis institutum, sed semper retentum, non nisi Auctoritate Apostolica traditum, reverentissime creditur.*

14. Disc. Admittuntne Hæretici Traditiones saltem Divinas, quas dixisti esse doctrinam DEI non scriptam?

Mag. Nequaquam: Sed errant manifestè. Nam admittunt Scripturas, ergo admittere necessario debent traditiones, tum quia quod existent Scripturæ Divinæ, quod nempe

### *Tirocinii Theologici*

nempe hi libri sunt Scriptura Divina ab initio à DEO inspirata, & dictata, antequam ab Ecclesia definitur, ex sola traditione habebatur, tum quia ipsa Sacra Scriptura docet esse aliquas traditiones, easque esse admittendas. Hinc 1. Deuter. cap. 31. v. 7. *Interroga Patrem tuum, & annuntiabit tibi; Majores tuos, & dicent tibi* Et Paulus 2. ad Thessal. cap. 2. v. 15. *Tenete traditiones, quas didicistis, sive per Sermonem, sive per Epistolam nostram.* Et cap. 2. ad Timot. cap. 2. v. 1. *Tu ergo fili mi - - - quæ audisti à me per multos testes, hæc commenda Fidelibus, qui idonei erunt & alios docere* Rursus admittunt Patres, præsertim antiquiores; At hi manifestè docent, esse in Ecclesia traditiones, quæ sunt ab omnibus admittendæ. Horum loca reperies apud omnes Controversiarum Fidei Scripores. Tandem credere debent Conciliis, quæ hujusmodi traditiones statuunt, ut facit Nicænum secundum act. 7. in fine, Concilium VIII. pariter gener-

nera-

ner  
4.  
gun

Te

14.

nali  
san  
qu  
tos  
epi  
te,  
qu  
tiæ,  
alic  
chi  
gite  
grè  
suæ  
can  
r  
tere  
Pro

*Pars II. §. II*

nerale act. 8. Tridentinum Sess.  
4. Ex hoc ergo cap. optimum ar-  
gumentum petet Theologus.

*Tertius locus Theologicus; Con-  
cilia.*

14. **T**ertium caput diximus esse  
Concilia, hæc autem sunt  
aut Generalia, aut Natio-  
nalia, aut Provincialia aut Diece-  
sana Generale, seu universale est,  
quod à Papa totius Ecclesiæ Præla-  
tos tam Patriarchas, quam Archi-  
episcopos, & Episcopos convoca-  
te, congregatur. Nationale est,  
quod à Primate omnes suæ Prima-  
tiæ, vel à Legato Pontificis omnes  
alicujus Nationis Episcopos, & Ar-  
chiepiscopos convocante, congre-  
gatur. Provinciale est, quod con-  
grègatur ab Archiepiscopo omnes  
suæ Provinciæ Suffraganeos convo-  
cante.

15. His Sacris Conventibus in-  
teresse debent omnes Episcopi, vel  
Provinciæ, vel Nationis, vel Ec-  
clesiæ

H

clesiæ

### *Tirocinii Theologici*

clesiæ universæ, & alii qui jurisdictionem Episcopalem obtinent, ut sunt aliqui Abbates, & Priores, & quicumque aliàs jure, vel consuetudine interesse solent, nisi obster, itineris grave periculum. Abbates Commendatarii, & Capitulorum deputati obtinent vocem duntaxat consultivam, uti etiam Laici, qui justas ob causas admitti possunt. Episcoporum verò absentium Procuratores possunt habere etiam votum decisivum, si Concilio visum fuerit. Decreta non debent inconsulto Romano Pontifice publicari, & ad eorum observationem obligantur omnes, qui Episcopali jurisdictioni subduntur, & etiam exempti in aliquibus casibus. Diocesana denique est, quod ab Episcopo suæ Diocesis Clerum convocante congregatur.

16. *Disc.* Estne idem Conciliū Generale, & Oecumenicum?

*Mag.* Est idem Grammaticaliter: nam Oecumenicū secundum vocis in-

*Pars II. § II.*

institutionē idē est, ac universale; ac non est idem canonicē, & in acceptione eruditorum; nam Oecumenicum dicitur illud, quod est itā universale, ut sit etiam legitimum.

17. *Disc.* Quid requiritur, ut sit legitimum.

*Mag.* Requiritur 1. quòd vel à Romano Pontifice, vel cum ejus assensu cōvocetur, aut saltē ab ipso ejus convocatio rata habeatur. 2. Ut convocentur ex Orbe Christiano, quantum fieri potest, omnes Episcopi sic, ut nullus ex Episcopis, qui Dioecesim habent, positivē excludatur, nisi per excommunicationem ab Ecclesia segregatus fuerit. Sufficit autem absolutē ad integritatem Concilii, ut saltē ex potioribus Orbis Christiani partibus Episcopi aliqui adveniant: qui possunt ex Pontificis assensu cæterorum vices, & vota supplere, ut docet Suar. hic disp. II. sect. 2. num. 7. Obtinuit etiam consuetudo, ut  
advo.

### Tirocinii Theologici

advocentur Cardinales, Generales Ordinum, & nonnulli Abbates, qui omnes cum Episcopis exercent munus Judicis, & Suffragium habent decisivum, ideoque cum illis signant *definiens subscripsi*. Alii verò Theologi, qui advocantur ut Consultores, tantum signant: *consentiens subscripsi*. Adfunt etiam plerumque aut Imperatores, Regesque, aut eorum Legati, sed ut testes tantum, & Concilii defensores. Requiritur 3: ut vel per se, vel per suos Legatos Pontifex Concilio præsideat, vel accedente ejus approbatione, hic defectus postea suppleatur, ut in Concilio Generali secundo & quinto factum constat.

18 *Disc.* Estne infallibilis Concilii Generalis à Romano Pontifice congregati definitio?

*Mag. Resp.* affirmativè, si à Pontifice approbetur, vel saltè nisi Patres Concilii Legatis Pontificiis repugnent, neque ipsi Legati contradicant mandato, & instructioni, quam à Pontifice privatim acceperunt,

*Pars II § II*

runt, ut Bellarminus hinc, & alii communiter. Hinc tamen adverte, quod si Concilium Generale congregatur pro aliqua necessitate Ecclesie, sede vacante, aut vivente tantum dubio Pontifice, erit infalibile in iis, quae requiruntur, ut praesenti necessitati subveniatur: alioquin non satis prospexisset Christus lux Ecclesiae gubernationi, nec suppeteret ratio tollendi schismatis contumacis.

*Disc.* Quot sunt isthaec Concilia Oecumenica haecenus celebrata?

*Concilia Oecumenica*

19. *Mag.* **I**N hoc non conveniunt omnes: numerari tamen solent octodecim. Primum est Nicænum I. Patrum 318, Nicææ in Bythinia celebratum à Silvestro Papa, sub Constantino Imperatore, anno 325. contra Arium, qui Verbi Divini Divinitatē negabat.

20. *Secun-*  
*H 3*

*Tirocinii Theologici*

20. Secundum est Constantino-  
politianum I. Catholicorū Episco-  
porum 150. à Theodosio seniore  
ex mandato Damasi Pontificis con-  
gregatum annò 381. ad fidem Con-  
cilio Nicæni magis stabiliendam, &  
ad firmandam Spiritûs Sancti Divi-  
nitatem contra Macedonium.

21. Tertium est Ephesinum I.  
plusquam ducentorum Episcopo-  
rum: autoritate Cœlestini Papæ,  
& operâ Theodosii Junioris con-  
vocatam Ephesi annò 430. contra  
Nestorium Episcopum Constanti-  
nopolit., qui Christum, in duas  
Personas dividebat, unam quidem  
DEUM ex Patre, alteram purum ho-  
minem ex Matre, quam proinde  
DEIPARAM vocari noluit.

22. Quartum est Chalcedonen-  
se 630. Episcoporum sub Leone I.  
Papa ann. 451. celebratum contra  
hæresim Eutychetis, & Dioscori, qui  
unam tantum esse in Christo natu-  
ram asserabant.

23. Quintum est Constantinop.  
II. Episcoporum 255. anno 553. con-

Voca-

Pars II. §. II.

vocatum à Justiniano Imper. an-  
nuente Vigilio Papa. Damnavit  
hæc Synodus Origenem, & tria  
Capitula, nempe doctrinam, & per-  
sonam Theodori Mopsuesteni, e-  
pistolam Ibæ Episcopi Edesseni, &  
scripta Theodoretæ Cyrensis An-  
tistitis contra S. Cyrillum, in qui-  
bus hæresis Nestoriana contineba-  
tur.

24. Sextum est Constantinopo-  
litanum III. Episcoporum 289. au-  
thoritate Agathonis Papæ à Con-  
stantino Pogonato convocatum  
ann. 680. contra Monothelitas, qui  
auctoris Theodoro Pharanitano  
Episcopo. Sergio Patriarcha Con-  
stantinopol. & Cyro Patriarcha A-  
lexandrino dicebant, quòd *sicut*  
*in Christo unus est operator, & una per-*  
*sona volens, ita est una sola voluntas &*  
*una operatio.*

25. Septimum est Nicænum II.  
Episcoporum 350. à Constantino  
Imperat. & Irene ejus Matre, con-  
sensu Adriani I. Papæ congregatū  
contra

*Tirocinii Theologici*

contra Iconomachos ann. 787.

26 Octavum est Constantinop. IV  
Episcoporum 383. vel ut dicunt a-  
lii, 102. in causa Photii per vim  
intrusi in Patriarchatum Con-  
stantinop. Convocatum fuit ann.  
869. mandante Adriano II. Papa.  
operâ Basilii Imper. Hæc in Ori-  
ente celebrata fuere; sequentia in  
Occidente,

27 Nonum est Concilium Late-  
ranense I. Patrum sive Abbatum se-  
rè mille, hoc est: 997, convocatum  
& celebratum ann. 1122. in Basi-  
lica Lateranensi à Callisto II. Rom.  
Pontif. ad Confirmanda Conven-  
tûs Vormatiensis concordata  
inter prædictum Callistum, & Hen-  
ricum V. circa Beneficiorum col-  
lationem, & ad procuranda subsi-  
dia contra Saracenos pro recupe-  
randa Terra Sancta.

28, Decimum est Lateranense II  
Episcoporum tere mille, convo-  
cante & præsidente Innocentio II.  
celebratum pariter in Lateran. Ba-  
silica ann. 1139. contra Anacletum,  
& e-

*Pars II § II.*

& ejus successorē Victore, Antipapas, & contra Petrum de Bruis, ejusq; discipulum Arnaldum Brixiensem, asserentes inter alia, Baptismum nihil prodesse parvulis, Temppla esse destruenda &c:

29. Undecimum est Lateranen-  
se III. Episcoporum amplius 300.  
post extinctū schismatrium Pseu-  
dopontificum "Victoris IV. Paschal-  
is III. & Callisti III. ann. 1179. ab  
Alexandro III. convocatum. 1. ad  
damnandos Schismaticos, & pro-  
videndum, ne simili in posterum  
schismate vexaretur Ecclesia. 2. ad  
restituendam Ecclesiasticam disci-  
plinam 3. ad damnandos tunc in  
Occitania, & Aquitania Catharos,  
Waldenses & Albigenses, quorum  
errores vide infra.

30. Duodecimum est Lateranen-  
se IV. ab Innocentio III. convo-  
catum ann. 1215. Interfuere Patres  
1285, nempe Pontifex ipse, Patri-  
triarchæ Constantinopolitanus, &  
Hierosolymitanus, Archiep. 70. E-  
piscopi 400. Abbates 12. Priores,  
Deca-

*Tirocinii Theologici*

Decani vel Præpositi Conventuales 800. cum utriusque Imperii Orientalis, & Occidentalis, Regumque Jerosolymorum, Franciæ, Hispaniæ, Angliæ, Hungariæ Siciliæ, Cypri aliorumque Principum, & Civitatum Legatis. In hoc iterum damnati Albigense, damnatus libellus Abbatis Joachim contra Petrum Lombardum de Unitate SS. Trinitatis; damnata quoque perversa dogmata Almarici Parisiensis Doctoris, qui docuerat nec Paradisum nec Christi corpus esse in Sacramento &c.

31. Decimum tertium est Lugdunense I. Episcoporum 140. convocatum ann 1245 ab Innocentio IV. causa Friderici Imperatoris deponendi & expeditionis suscipiendæ in Terram Sanctam.

32. Decimum Quartum est Lugdunense II. Patrum serè mille, convocatum anno 1292. Gregorio X. pro recuperatione Terræ Sanctæ, & contra errores Græcorum, quorum unio cum Latinis facta est, maximè operâ Sancti Bonaventuræ.

33. Deci-

*Pars II. §. II.*

33. Decimum quintum est Viennense in Gallia, Episcoporum 300. & ampliùs convocatum ann. 1311. à Clemente V. ad damnandos errores Beguardorum, & Beguinarum per similes erroribus Quietistarū nostri temporis, & extinguendum Templariorum Ordinem.

34. Decimum sextum est Florentinum rogatu Joannis Paleologi Græcorum Imperatoris. qui Concilio interfuit ab Eugenio IV. convocato contra errores Græcorum ann. 1438.

35. Decimum septimum est Lateranense V. 1512 inchoatum sub Julio II ad tollendam schisma Conciliabuli Pisani, & à Leone X absolutum.

36. Decimum octavum & ultimum est Tridentinum cœptum ann. 1545. sub Paulo III. contra Lutheranam aliasque hæreses, continuatum sub Julio III. tandem sub Pio IV. feliciter absolutum, & ab eodem confirmatum anno 1563.

37. Hæc sunt Concilia Generalia

*Tirocinii Theologici*

lia penitus approbata, adeoque  
Oecumenica

*Dis.* Sūntne alia reprobata, aut  
non penitus approbata, & legiti-  
ma?

*Mr.* Sunt utique septem Gene-  
ralia illegitima, & reprobata & a-  
lia sex partim approbata, partim  
reprobata.

*Concilia Generalia repro-  
bata.*

38. **P**rimum illegitimum, & re-  
probatum est Antiochenum  
90. & amplius Episcoporum  
convocatum anno 341. à Constanti-  
no Imperatore, in quo ab Arianis  
damnatus est S. Achanasius, & via  
patefacta ad eversionem Concilii  
Nicæni I. per quatuor subdolas Fi-  
dei formulas.

39. Secundum reprobatum est  
Mediolanense plusquam 300 Epi-  
scoporum, convocatum quidem à  
Liberi-

Pars II. §. II.

Liberio Papa anno 355 adeoque legitimè inchoatum, sed postea illegitimè celebratū coactis per vim Patribus à Constantio Imperat: damnationi S: Athanasii subscribere.

40. Tertium reprobaturum est Ariminense 600. Episcoporum, pariter sub Constantio anno 372. Ità Bellarmin. sed Baronius, aliique duo Ariminensia distinguunt, legitimum unum, in quo Fides Nicæna confirmata fuit; alterum illegitimum, in quo fraude Arianorum etiam Episcopi Catholici subscripsere formulæ Fidei ambiguae, in qua vox *homousios* omissa est.

41. Quartum reprobaturum est Ephesinū II. Episcoporum 128. ab Imperatore Theodosio ann. 449. convocatum, in quo omnia vi, & minis acta fuerut, Eutyches absolutus, occisus Flavianus E-

*Tirocinii Theologici*

piscopus Constantinopol: unde  
prædatoria Synodus, & Latroci-  
nium appellatum fuit.

42. Quintum reprobatum est  
Constantinopolitanum tempore  
Leonis Isaurici Iconomachi ann.  
730. contra sacras imagines con-  
vocatam. Quanquam hoc ma-  
lè numeratur inter Generalia,  
sicut & duo sequentia.

43. Sextum reprobatum est  
Constantinopolitanum pseudo-  
septimum dictum, Episcoporum  
Iconomachorum 338. anno 754.  
sub Copronymo ad tollendum  
cultum sacrarum imaginum.

44. Septimum reprobatum  
est Pisanum à quibusdam Car-  
dinalibus contra Julium II. con-  
vocatam.

*Partim autem approbata,  
partim reprobata fuere  
sequentia.*

45. **P**rimum Sardicense an-  
no 347. sed Card. Ba-  
ronius, & alij, duo fu-  
isse dicunt hoc nomine nuncu-  
pata: unum verè Sardicense, &  
legitimum à 300 & amplius Ca-  
tholicis Episcopis celebratum.  
Aliud verò Spurium ab 80, circi-  
ter Episcopis Arianis eodem tē-  
pore in vicinia, scilicet Philip-  
popoli habitum.

46. Secundum Sirmiense an-  
no 356. vel 351. ut vult Petavi-  
us, in quo fuit bene damnatus  
Photinus hæreticus, sed edita nō  
satis sana Fidei formula ab Epi-  
scopis Arianis.

47. Tertium Constantinopo-

*Tirocinii Theologici.*

litanum quini sextum in Trullo celebratum an: 692. in scio Rom. Pontifice. Hujus tamen aliquot canones, quia sanæ doctrinæ erant, fuerunt à Catholicis recepti. Dicitur est quini sextum, quia Patres per canones, quos condidère, voluerunt supplere defectum (ut dicebant) quinti & sexti Concilij præcedētis, quæ duo non fecerant canones, ut quatuor priora fecerant.

48. Quartum Francofordien-  
se 300. circiter Episcoporum an-  
no 794. in quo, quæ de filiatio-  
ne Christi naturali definita fuê-  
re, sinè dubio ab Ecclesia sunt  
approbata, non verò quòd da-  
mnârit (quòd aliqui factum ne-  
gant) acta Nicæni II. circa cul-  
tum Imaginum.

49. Quintum Pisanum, non  
illud, quod Pisis celebravit anno  
1134. Innocentius II. contra  
Pe.

*Pars II. §. II.*

Petrum Leonis Antipapam dictum Anacletum II. nec illud quod annò 1511. contra Julium II. indixere aliqui Cardinales; sed aliud celebratum annò 1409 pro tollendo schismate. Cùm enim Petrus de Luna dictus Benedictus XIII. & Angelus Corarius vocatus Gregorius XII. diu de supremo Pontificatu contenderent, nec vellent cedere pro bono pacis, ut in sua electione promiserant, nec alia superesset schismatis extinguendi ratio, Cardinales utriusque partis Pisas convenerunt numero 23. cùm tribus Patriarchis, Archiepiscopis, & Episcopis 300. Monasteriorum Præfectis 180. aliisque Theologis multis, & Principum Europæ Legatis, & prædictos duos Pontifices à Pontificatu dejecerunt. Hoc illegitimum vocant alij, alij legitimam. Certè

*Tirocinii Theologici*

inter veros Pontifices numeratur Alexander V. ab eo electus.

50. Sextum Constantiense anno 1414. causa prædicti schismatis adhuc durantis, & contra Wicleffitarum, & Hussitarum hæreses à Joanne XXIII. Alexandri V. Successore convocatum rogatu Sigismundi Imperatoris. In hoc Concilio prædictæ hæreses damnatæ fuere, cessere Pontificatu Joannes XXIII. & Gregorius XII. fuitque è Pontificatu dejectus Benedictus XIII. qui cedere sponte noluerat. Tandem fuit electus Martinus V. qui approbavit acta contra errores Wicleffi & aliorum, non verò quod sess: 4. & 5. decretum fuerat de potestate Concilij supra Pontificem.

51. Septimum Basiliense à Martino V. indictum; sed sub Eugenio IV. successore inchoatū an-

*Pars II. §. II.*

no 1431. & ab eodem postea dissolutum adhuc tamen à Patribus continuatum. Hujus Concilij quædam acta pertinentia ad Beneficia Ecclesiastica, & Censuras confirmavit studiô pacis Nicolaus V. Eugenij successor, nō verò decreta de Concilij supra Pontificem autoritate.

Ex his habes, ex quibus Conciliis possit, ex quibus non possit Theologus validum argumentum petere.

52. *D. sc.* Validumne illud est, quod ex Conciliis particularib9 petitur.

*Mag.* Concilia quidem particularia seu Nationalia sint, seu Provincialia: non sunt infallibilis autoritatis, erraruntque aliquando. Sic erravit Carthaginense Concilium sub Cypriano, quod Nationale fuit, & Episcoporum, 85. quorum plerique

*Tirocinii Theologici.*

que in quæstione Fidei fortiter se gesserant, ut hic notat Card. Bellarminus. Horum tamen particularium Conciliorum decreta firma sunt, dum aliquid etiam circa fidem definiunt, si id faciant ex commissione, seu instructione Apostolicæ Sedis, ut fecerunt Patres Concilij Arausiaci II. & Toletani I. tempore Leonis I. & Synodi Complutensis tempore Sixti IV. & multò magis si decisionem suam mittant ad summum Pontificem, & ab eo confirmetur; quomodo factum esse in Conciliis Milevitano, & Carthaginensi constat ex S. August: 90. 91. & 92.

Quamvis autem Concilia particularia sint ex se fallibilia, adhuc tamen faciunt argumentum adeò probabile, ut temerarium sit ei non acquiescere, si præsertim ex illis sint, quæ videntur

ipso

*Pars II. §. II.*

ipso usu Ecclesiæ quodammodo probata, ut Toletana, Bracharenfis, Arelatensis, Hispalensis, &c. Igitur ex his quoque validum argumentum petet Theologus; quamvis non ita validum, ut ex Conciliis Oecumenicis.

*Quartus locus Theologicus,  
Romanorum Pontificum  
Definitiones.*

53. **Q**uartū caput diximus esse Summorum Pontificum definitiones.

Ut autem horum authoritatem rectè æstimes, moneo I. Petrum inter Apostolos jure Divino fuisse post Christi in Cœlum ascensum, visibile Ecclesiæ caput, & Principem, & eodem jure post Petri mortem tales fuisse, esse, & fore usque ad finem Mundi

Pe

*Tirocinii Theologici.*

Petri successores, Romanos Pontifices.

54. Primùm patet ex eo, quòd soli Petro dixit Christus Matth. 16. *Tu es Petrus, & super hanc petram ædificabo Ecclesiam meam, & portæ Inferi non prævalebunt adversus eam, & tibi dabo Claves Regni Cælorum,* eique soli dixit post Resurrectionem Joan: 21. *Pasce agnos meos, pasce oves meas.* Et quoties in Evangelio recensentur Apostoli, Petrus ponitur primò locò. Soli Petro facta est prima revelatio Divinitatis Christi. Soli Petro à Christo promissa est stabilitas Fidei & Cathedræ. Petro inter Apostolos primùm apparuit Christus post Resurrectionem. Petrus sua autoritate alios congregavit ad eligendum, qui Judæ succederet in Apostolatu. Primus post Spiritûs Sancti Adventum Evangelium  
Judæ.

*Pars II. §. II.*

Iudæis prædicavit. Primum miraculum idem apud Iudæos fecit in Evangelij confirmationem. Primus in Concilio pro Legalium cessatione sententiam dixit. Accedit consensus Patrum, hūc Petri in Ecclesia Primatum prædicantium, ut videre potes apud Bellarm: & alios.

55. Alterum verò probatur: quia Christus tradens Petro authoritatem, & formam regēdi Ecclesiam tradidit illam, ut perpetuò duraturam, addōque ut transmittendam in successores. Hinc Patres habuēre semper Romanos Pontifices ut Petri in Primatu successores. Quare S Hieronymus epist: 67. ad Damasum scribens, *Beatitudini tuæ, id est: Cathedræ Petri communiōne consocior.* S. Aug: ep. 163. *In Romana Ecclesia semper Apostolicæ Cathedræ viguit Principatus.* Et

*Tirocinii Theologici.*

in Concilio Calcedonensi Patres unanimi voce, clamarunt, *Petrus per Leonem locutus est, & S. Bernard. lib. 2. de Considerat. ad Eugenium. Tu Princeps Episcoporum. Tu potestate Petrus nec modo ovium, sed & Pastorum omnium Tu unus Pastor. Alij in partem sollicitudinis, tu in plenitudinem potestatis vocatus es.* Et in hoc sensu vocatur Pontifex Romanus universalis Episcopus, quatenus universæ Ecclesiæ curam gerit, non quatenus præter ipsum nõ sit alius Episcopus. Hinc demũ fuit semper ab universis Orbis terrarum Ecclesiis, Fidelium, ipsorumque Episcoporum ad Romanum Pontificem recursus, ut ad supremum, & universale Pastorem.

5. His moti Patres Concilij Florentini, ex Græcis & Latinis conflati magnò consensu sic des-

Pars II. §. II.

definierunt P. 2. Collat. 22. *Definimus Sanctam Apostolicam Sedem, & Romanum Pontificem successorem esse B. Petri verticis Apostolorum, & verum Christi Vicarium, & totius Ecclesie Caput, & omnium Christianorum Patrem, & Doctorem existere, & in universum Orbem tenere Primatum, eique in R. Petro pascendi, regendi, & gubernandi universalem Ecclesiam à Domino nostro J E S U Christo plenam potestatem traditam esse.*

57. Petri autem Successores fuere hactenus nempe usque ad hunc presentem annum 1738. ducenti quinquaginta, quorum hinc seriem subtexam designando annum, quò ad Pontificatum evecti fuere.

S. Linus	67.
S. Cletus	78
S. Clemens	91
S. Anacletus	103
S. Evaristus	110

K

S. Ale-

*Tirocinii Theologici.*

S. Alexander	119
S. Sixtus	130
S. Telesphorus	140
S. Hyginus	152
S. Pius	156
S. Anicetus	165
S. Soter	173
S. Eleutherius	177
S. Victor	192
S. Zephyrinus	201
S. Callistus	219
S. Urbanus	224
S. Pontianus	230
S. Anterus	235
S. Fabianus	236
S. Cornelius	251
S. Lucius	253
S. Stephanus	255
S. Sixtus II.	257
S. Dionysius	258
S. Felix	270
S. Eurychianus	275
S. Cajus	283
S. Marcellinus	296
S. Marcellus	304
S. Eusebius	309
S. Melchiades	311
S. Silvester	314
S. Marcus	336
S. Julius	337

*Pars II. §. II.*

119	S. Liberius	352
130	S. Felix II.	355
140	S. Damasus	367
152	S. Siricius	385
156	S. Anastasius	398
165	S. Innocentius	402
173	S. Zosimus	417
177	S. Bonifacius	418
192	S. Coelestinus	425
201	S. Sixtus III.	432
219	S. Leo Magnus	440
224	S. Hilarius	461
231	S. Simplicius	467
235	S. Felix III.	483
236	S. Gelasius	492
251	S. Anastasius II.	496
253	S. Symmachus	498
255	S. Hormisdas	514
257	S. Joannes I.	523
258	S. Felix IV.	526
270	Bonifacius II.	529
275	S. Joannes II.	532
283	S. Agapetus	535
296	S. Silverius	536
304	Vigilius	537
309	Pelagius	555
311	Joannes III.	561
314	Benedictus	575
336	Pelagius II.	579
337	S. Gregorius Magnus	590

*Tirocinii Theologici.*

Sabianus	604
Bonifacius III.	607
S. Bonifacius IV.	608
S. Deusdedit	616
Bonifacius V.	620
Honorius I.	626
Severinus	640
Joannes IV.	640
Theodorus I.	642
S. Martinus	649
S. Eugenius	654
S. Vitalianus	657
Adeodatus	672
Donus	677
S. Agatho	679
S. Leo II.	682
S. Benedictus II.	685
Joannes V.	686
Conon	687
S. Sergius	688
Joannes VI.	702
Joannes VII.	705
Sifinnius	707
Constantinus	708
S. Gregorius II.	715
S. Gregorius III.	731
S. Zacharias	741
Stephanus II.	752
Stephanus III.	752
S. Paulus	757

Ste-

Pars II. §. II.

604	Stephanus IV.	768
607	Adrianus	772
608	Leo II.	795
616	Stephanus V.	816
620	S. Paschalis	817
626	Eugenius II.	824
640	Valentinus	827
640	Gregorius IV.	828
642	Sergius II.	844
649	S. Leo IV.	847
654	Benedictus III.	855
657	S. Nicolaus	858
672	Adrianus II.	867
677	Joannes VIII.	872
679	Marinus	882
682	Adrianus IV.	884
685	Stephanus VI.	885
686	Formosus	891
687	Bonifacius VI.	896
688	Stephanus VII.	896
702	Romanus	897.
705	Theodorus II.	898
707	Joannes IX.	898
708	Benedictus IV.	900
715	Leo V.	904
731	Christophorus	904
741	Sergius III.	905
752	Anastasius III.	912
752	Lando	914
757	Joannes X.	915

*Tirocinii Theologici.*

Leo VI.	928
Stephanus VIII.	929
Joannes XI.	931
Leo VII.	936
Stephanus IX.	939
Marinus II.	943
Agapetus II.	946
Joannes XII.	956
Leo VIII.	963
Benedictus V.	964
Joannes XIII.	965
Benedictus VI.	972
Donus II.	974
Benedictus VII.	975
Joannes XIV.	984
Bonifacius VII.	985
Joannes XV.	986
Gregorius V.	997
Silvester II.	999
Joannes XVI. dict. XVIII.	1003
Joannes XVIII. dict. XIX.	1004
Sergius IV.	1009
Benedictus VIII.	1012
Joannes XX.	1024
Benedictus IX.	1033
Gregorius VI.	1045
Clemens II.	1046
Damasus II.	1048
S. Leo IX.	1049
Victor II.	1058

*Pars II. §. II.*

28	Stephanus X.	1057
29	Nicolaus II.	1059
31	Alexander II.	1061
36	S. Gregorius VII.	1073
39	Victor III.	1087
43	Urbanus II.	1088
46	Paschalis II.	1099
6	Gelasius II.	1118
63	Callistus II.	1123
64	Honorius II.	1128
65	Innocentius II.	1130
72	Cœlestinus II.	1143
74	Lucius II.	1144
75	Eugenius III.	1145
74	Anastafius IV.	1153
75	Adrianus IV.	1154
76	Alexander III.	1159
7	Lucius III.	1181
9	Urbanus III.	1185
93	Gregorius VIII.	1187
94	Clemens III.	1187
99	Cœlestinus III.	1191
12	Innocentius III.	1198
24	Honorius III.	1216
33	Gregorius IX.	1227
45	Cœlestinus IV.	1241
46	Innocentius IV.	1243
8	Alexander IV.	1254
9	Urbanus IV.	1261
57	Clemens IV.	1267
	B. Gregorius X.	1271

## *Tirocinii Theologici*

Innocentius V.	1276
Adrianus V.	1276
Joannes XXI.	1276
Nicolaus III.	1277
Martinus II. dictus IV. ex duobus Martinis prædecessorib:	1281
Honorius IV.	1285
Nicolaus IV.	1288
S. Coelestinus V.	1294
Bonifacius VIII.	1294
Benedictus X. dictus XI.	1303
Clemens V.	1305
Joannes XXII.	1216
Benedictus XI. dictus XII.	1334
Clemens VI.	1342
Innocentius VI.	1352
Urbanus V.	1362
Gregorius XI.	1370
Urbanus VI.	1378
Bonifacius IX.	1389
Innocentius VII.	1404
Gregorius XII.	1406
Alexander V.	1409
Joannes XXIII.	1410
Martinus V.	1417
Eugenius IV.	1431
Nicolaus V.	1447
Callistus III.	1455
Pius II.	1458
Paulus II.	1464

*Pars II. §. II.*

276	Sixtus IV.	1471
276	Innocentius VIII.	1484
276	Alexander VI.	1492
277	Pius III.	1503
bus	Julius II.	1503
1281	Leo X	1513
1285	Adrianus VI.	1522
1288	Clemens VII.	1523
294	Paulus III.	1534
294	Julius III.	1550
303	Marcellus II.	1555
305	Paulus IV.	1555
1216	Pius IV.	1560
334	B. Pius V.	1566
342	Gregorius XIII.	1572
352	Sixtus V.	1585
362	Urbanus VII.	1590
370	Gregorius XIV.	1590
378	Innocentius XI.	1591
389	Clemens VIII.	1591
404	Leo XI.	1605
406	Paulus V.	1605
409	Gregorius XV.	1621
410	Urbanus VIII.	1623
417	Innocentius X.	1644
431	Alexander VII.	1655
447	Clemens IX.	1667
455	Clemens X.	1669
458	Innocentius XI.	1676
464	Alexander VIII.	1689

Inno-

## *Tirocinii Theologici.*

Innocentius XII.	1698
Clemens XI.	1700
Innocentius XIII.	1721
Benedictus XIII.	1724
Clemens XII.	1730
Benedictus XIV.	1740

ss. Ut autem facilius reperias eum Pontificem, cujus tempus quæris, proponam hic eos ordine Alphabetico.

Adrianus I.	A.	772
Adrianus II.		867
Adrianus III.		884
Adrianus IV.		1154
Adrianus V.		1276
Adrianus VI.		1521
Agatho		678
Agapitus I.		535
Agapitus II.		946
Alexander I.		119
Alexander II.		1061
Alexander III.		1159
Alexander IV.		1254
Alexander V.		1409
Alexander VI.		1492
Alexander VII.		1655
Alexander VIII.		1689
Anacletus		101
Anastasius I.		398
Anastasius II.		496
Anastasius III.		912
Anastasius IV.		1153

*Pars II. §. II.*

Anicetus	165
Anterus	235
<b>B.</b>	
Benedictus I.	575
Benedictus II.	685
Benedictus III.	855
Benedictus IV.	900
Benedictus V.	964
Benedictus VI.	972
Benedictus VII.	975
Benedictus VIII.	1012
Benedictus IX.	1033
Benedictus X.	1058
Benedictus XI.	1303
Benedictus XII.	1334
Benedictus XIII.	1724
Benedictus XIV.	1740
Bonifacius I.	418
Bonifacius II.	529
Bonifacius III.	607
Bonifacius IV.	608
Bonifacius V.	620
Bonifacius VI.	896
Bonifacius VII.	985
Bonifacius VIII.	1294
Bonifacius IX.	1369
<b>C.</b>	
Cajus	282
Callistus I.	219
Callistus II.	1123
	<b>Calli.</b>

*Tirocinii Theologici.*

Callistus III.	1455
Cœlestinus I.	425
Cœlestinus II.	1145
Cœlestinus III.	1191
Cœlestinus IV.	1241
Cœlestinus V.	1294
Clemens I.	91
Clemens II.	1046
Clemens III.	1187
Clemens IV.	1265
Clemens V.	1305
Clemens VI.	1342
Clemens VII.	1523
Clemens VIII.	1591
Clemens IX.	1667
Clemens X.	1669
Clemens XI.	1700
Clemens XII.	1730
Cletus	78
Conon	687
Cornelius	351
Constantinus	708
Christophorus	904
D.	
Damasus I.	367
Damasus II.	1048
Deodatus	616
Deusdedit	672
Dionysius	358
Donus I.	677

Donus II.

*Pars II. §. II.*

Donus II. 974

E.

Eleutherius 177

Evaristus 110

Eugenius I. 654

Eugenius II. 824

Eugenius III. 1145

Eugenius IV. 1431

Eusebius 309

Eutychianus 275

F.

Fabianus 236

Felix I. 270

Felix II. 355

Felix III. 483

Felix IV. 526

Formosus 891

G.

Gelasius I. 492

Gelasius II. 1118

Gregorius I. 590

Gregorius II. 715

Gregorius III. 731

Gregorius IV. 828

Gregorius V. 997

Gregorius VI. 1045

Gregorius VII. 1073

Gregorius VIII. 1187

Gregorius IX. 1227

Gregorius X. 1271

L

Gre-

## Tirocinii Theologici.

Gregorius XI.	1370
Gregorius XII	1406
Gregorius XIII.	1572
Gregorius XIV	1590
Gregorius XV.	1621.

H.

Hilarius	467
Honorius. P.	626
Honorius II.	1128
Honorius III.	1216
Honorius IV.	1285
Hormisdas.	514
Hyginus.	152

I.

Innocentius I.	402
Innocentius II.	1130
Innocentius III.	1198
Innocentius IV.	1243
Innocentius V.	1276
Innocentius VI.	1352
Innocentius VII.	1404
Innocentius VIII.	1484
Innocentius IX.	1591
Innocentius X.	1644
Innocentius XI.	1676
Innocentius XII.	1691
Innocentius XIII.	1721
Joannes I.	533
Joannes II.	532
Joannes III.	561

Joan-

*Pars II. §. II.*

1370	Joannes IV.	640
1406	Joannes V.	686
1572	Joannes VI.	702
1590	Joannes VII.	705
1621	Joannes VIII.	872
	Joannes IX.	898
461	Joannes X.	915
626	Joannes XI.	931
1128	Joannes XII.	956
1216	Joannes XIII.	965
1285	Joannes XIV.	984
514	Joannes XV.	986
152	Joannes XVI. dict. XVIII.	1003
	Joannes XVIII. dict. XIX.	1004
402	Joannes XX.	1024
1130	Joannes XXI.	1276
1198	Joannes XXII.	1316
1243	Joannes XXIII.	1410
1276	Julius I.	337
1352	Julius II.	1503
1404	Julius III.	1550
1484		
1591	Lando	914
1644	Leo I.	440
1676	Leo II.	682
1691	Leo III.	795
1721	Leo IV.	847
523	Leo V.	904
532	Leo VI.	928
561	Leo VII.	936

L.

L.

Leo

*Tirocinii Theologici.*

Leo VIII.	963
Leo IX.	1049
Leo X.	1513
Leo XI.	1605
Liberius	352
Linus	67
Lucius I.	253
Lucius II.	1144
Lucius III.	1181
M	
Marcellinus	296
Marcellus I.	304
Marcellus II.	1555
Marcus	336
Martinus I.	649
Marinus I. aliis	882
Martinus II.	
Martinus II. aliis	942
Martinus. III.	
Martinus II. aliis IV.	1281
Martinus V.	1417
Melchiades	311
N.	
Nicolaus I.	858
Nicolaus II.	1059
Nicolaus III.	1277
Nicolaus IV.	1288
Nicolaus V.	1447
P.	
Paschalis I.	817

Pascha-

*Pars II. §. II.*

963	Paschalis II.	1099
1049	Paulus I.	757
1513	Paulus II.	1464
1605	Paulus III.	1534
352	Paulus IV.	1555
67	Paulus V.	1605
253	Pelagius I.	555
1144	Pelagius II.	579
1181	S. Petrus	45
296	Pius I.	156
304	Pius II.	1458
1555	Pius III.	1503
335	Pius IV.	1560
649	Pius V.	1566
882	Pontianus	231
	R.	
942	Romanus	897
	S.	
1281	Sabinianus	604
1417	Sergius I.	688
311	Sergius II.	844
	Sergius III.	905
858	Sergius IV.	1009
1059	Severinus	640
1277	Silverius	536
1288	Silvester I.	314
1447	Silvester II.	999
	Simplicius	467
817	Siricius	385
cha-	Sisinnius	707

L<sub>3</sub>

Sixtus

Tirocinii Theologici

Sixtus I.	130
Sixtus II.	257
Sixtus III.	432
Sixtus IV.	1471
Sixtus V.	1585
Soter	173
Stephanus I.	255
Stephanus II.	752
Stephanus III.	752
Stephanus IV.	768
Stephanus V.	816
Stephanus VI.	885
Stephanus VII.	896
Stephanus VIII.	929
Stephanus IX.	939
Stephanus X.	1057
Symmachus.	498
T.	
Telesphorus	140
Theodorus I.	642
Theodorus II.	898
V.	
Valentinus	827
Vigilius	537
Vitalianus	657
Victor I.	192
Victor II.	1055
Victor III.	1087
Urbanus I.	224
Urbanus II.	1086

Urba-

Ur  
Urb  
Urb  
Urb  
Urb  
Urb  
Zac  
Ze  
Zo  
59. E  
Gr  
Ita  
Ro  
G  
G  
A  
H  
Pr  
H  
A  
60.  
tifex  
succe  
stor  
ipse  
seni

*Pars II. §. II.*

Urbanus III.	1185
Urbanus IV.	1261
Urbanus V.	1362
Urbanus VI.	1378
Urbanus VII.	1590
Urbanus VIII.	1623

**Z.**

Zacharias	741
Zephyrinus	201
Zosimus	417

59. Ex his Palæstini tuere 2.

Græci 11.

Itali 69.

Romani 104.

Germani 4.

Galli 17.

Anglus 1.

Holandus 1.

Provincialis 1.

Hispani 3.

Africani 2.

60. Ex eo autem, quòd Pontifex Romanus sit verus Petri successor, Ecclesiæ Caput, & Pastor supremus, sequitur 1. quòd ipse sit supra Concilium: Patres senim in unum congregati non

*Tirocinii Theologici.*

desinunt esse oves, quarum cura  
Perro committitur: cui soli di-  
ctum fuit: *Pasce oves meas, con-  
firma fratres tuos.* Quare jure  
optimo Concilium Lateranense  
ultimum session. 2. abrogatis  
Concilij Basileensis decretis con-  
tra Pontificis autoritatē factis  
subdit. *Solum Romanum Pontifi-  
cem pro tempore existentem tanquā  
authoritatem super omnia Concilia  
habentem, Conciliorum indicendorū,  
transferendorum, ac dissolvendorum  
plenum jus, ac potestatem habere,  
nedum Sacræ Scripturæ testimonio,  
dictis Sanctorum Patrum, ac aliorum  
Romanorum Pontificum etiam Præ-  
decessorum nostrorum, sacrorumque  
Canonum decretis, sed propria etiam  
eorundem Conciliorū confessione ma-  
nifestè constat.*

61. Sequitur 2. quòd Ponti-  
ficis definitiones sint infallibiles  
absque assensu Concilij, nam cū

Chris-

*Pars II. §. II.*

Christus Petrum, & in eo ipsius  
successores fecerit Ecclesiæ Pa-  
stores, eisque dederit claves sci-  
entiæ, & potestatis, si nè funda-  
mento asseritur, non esse illis  
datam potestatem absolutam  
docendi, sed conditionatam, &  
pendentem ab assensu Concilij,  
Ecclesiæque sibi subditæ, ut si-  
nè fundamento diceretur, non  
tradi absolutam potestatem do-  
cendi ei, qui in Universitate a-  
liqua legitima, & approbata sit  
Doctor, & Cathedram actu acci-  
pit, & discipulos quos erudiat;  
nec tradi absolutam potestatem  
condendi leges ei, cui ritè & le-  
gitimè confertur regia potestas  
per verba, & signa non deno-  
tantia ullam limitationem, seu  
conditionem. Et confirmatur  
authoritate Conciliorum, quæ  
hanc in Pontifice Romano infal-  
libilitatem agnoverunt, Con-  
cilium

*Tirocinii Theologici*

cilium siquidem Chalcedonen-  
se lectâ S. Leonis Papæ epistolâ,  
qua Eutyches damnabatur, ac-  
clamavit, *Anathema ei, qui ita nõ  
credit: Petrus per Leonem locutus  
est*, eique tanquam certissimæ  
Fidei regulæ subscripsit actione.

4. Idem fuit Concilij Con-  
stantinopolitani 2. sensus erga  
Pontificem Agapetum in causa  
Anthymi, & Concilij Oecume-  
nici 6. erga Agathonem, de cu-  
jus litteris tota Synodus ait.  
*Quas ut à summo Apostolorum ver-  
tice divinius conscriptas agnoscimus,*  
Demum pleræque Hæreses hõc  
modõ damnatæ sunt, nempe per  
solam Romani Pontificis senten-  
tiam, quæ videlicet emerlerunt  
à tempore Apostolorum usque  
ad Concilium Nicænu I. nem-  
pe Martionis, Montani, Nova-  
tiani, aliorumque; nullũ enim  
eo tempore intermedio fuit Cõ-  
cili

cilin  
Sic  
fuẽ  
pela  
&c.

6.  
sum  
ra C  
poss  
fint  
lupi  
antu  
ad P  
finir  
sẽ a  
re d  
stion  
quõ  
vina  
sit c  
Sand  
jus v  
trun  
doct

*Pars II. §. II.*

cilium Generale celebratum. Sic aliæ multæ postea damnatæ fuêre, ut Pelagianismus, Semi-pelagianismus, Priscillianismus &c.

62. Sequitur 3. quòd cum summo Pontifici sit comissa cura Gregis, & hæc haberi non possit, nisi Gregi ostēdatur, quæ sint bona pascua, quæ mala, qui lupi sint, quamvis esse non videantur, & alia hujusmodi; jam ad Pontificē pertinet multa definire, quæ à nonnullis invidiosè ad quæstionem facti pertinere dicuntur, licèt re ipsa ad quæstionem juris pertineant; ut e g quòd hæc sit vera Traditio Divina, hæc editio Scripturæ Sacræ sit conformis ei, quam Spiritus Sanctus dictavit; quòd hic sit ejus verus sensus; quòd hæc Patrum scripta contineant sanam doctrinam; ea verò Novatorū,

*Tirocinii Theologici.*

e. g. Lutheri, Calvini continent doctrinam pravam, Hæreticam, quòdque proinde ipsi unà cum sua doctrina spectati, habendi sint Hæretici, quemadmodum plura re ipsa Concilia anathema dixerunt non solùm errori e. g. Arij, Nestorii &c. sed etiam Ario ipsi, Nestorio &c. Refert enim Socrates cap: 10. lib: 1. Hist: Eccl: quòd cùm in Synodo Nicæna aliqui Episcopi subscriberent quidem damnationi Hæresis Arianæ, sed Ario, ejúsque doctrinæ anathema dicere detrectarent, *Quòd minime crederent, eum, qui erat accusatus, hominem ejus generis fuisse, qui tot errores doceret,* id fati fuit, ut Synodus illos pro Hæreticis haberet, & exilio mulctaret. Similiter cùm in Chalcedonensi Concilio act. 8. Theodoretus anathema Nestorio dicere recusaret,

*Pars II. §. II.*

faret, Patres clamârunt; *Iste Hæreticus est, iste Nestorianus est: Hæreticum foras mittite.* Neque porro illum pro Catholico habere voluere; nisi diceret apertè anathema Nestorio.

63. Quia verò non potest quis obligari ad dicendum anathema alicui ut Hæretico, nisi obligetur ad internum iudicium, quo iudicet illum esse talem, seu eius scripta verè Hæretica esse, sequitur 4., quòd Ecclesia, & Pontifex obligare etiam possit ad eiusmodi actum internum; ac proinde teneri fideles in huiusmodi decisionibus non solùm præstare silentium obsequiosum, sed animò verè assentiri, quòd nempe scripta illa Hæresim continent, adeoque quòd eorum auctor, spectatâ ejus doctrinâ, Hæreticus sit. Atque hæc scilicet sunt, quæ à

M

Theo-

*Tirocinii Theologici.*

Theologis appellantur non facta simpliciter, sed facta dogmatica, quæ videlicet ad fidei doctrinam pertinent.

64. Hic adverte i. quòd non quidquid Ecclesia, aut Pontifex damnat circa doctrinam, eodem modò damnat: nam aliquando damnat aliquam propositionem ut *Hereticam*, nempe ut oppositam formaliter, & directè doctrinæ Fidei, seu doctrinæ ab Ecclesia definitæ. Aliquando damnat aliquam propositionem, ut *erroneam*, nempe ut contrariam communi Patrum doctrinæ, licèt nõ expressè revelatæ, aut per Ecclesiam definitæ. Aliquando ut *errori proximam*, nempe ferè contrariam communi Patrum sententiæ. Aliquando ut *suspectam Heresim vel erroris*, vel ut *sapientem Heresim vel errorem*, ex circumstā-

tibus

*Part II. §. II.*

tiis videlicet personæ, loci, vel temporis, quibus prolata fuit. Aliquando ut *male sonantem*, quæ videlicet etsi sensum nō habeat Fidei dissonum, at verba habet incongrua. Aliquando ut *temerariam*, seu sine fundamento dictam. Aliquando demum ut *scandalosam*, quæ videlicet dat aliis occasionē ruinæ spiritualis.

65. Adverte 2. quod nō quicquid Pontifex approbat, approbat ut Divina Fide credendum. Constat enim summam Theologicam Alexandri Alensis iussu Alexandri IV. à facultate Parisiensi examinatum esse, appensisque septuaginta duorum Magistrorum sigillis approbatam fuisse, ac postea Pontificio ipso diplomate confirmatam. Similiter Theologiam S. Thomæ à variis Pontificibus summis laudibus approbatam, & celebra-

*Tirocinii Theologici.*

tam fuisse, & præsertim à Joanne XXII. Innocentio XI. Clemente VIII. & Alexandro VII. quorum primus dixit, D. Thomam *Tot miracula fecisse, quot articulos scripsit.* Secundus nunquã inventum esse, quòd à tramite veritatis deviaverit, qui D. Thomam tenuit; eum verò, qui eum impugnavit, semper fuisse de veritate suspectum; Tertius in Bulla ad nobiles Neapolitanos, teste Basilio Pontio, doctrinam S. Thomæ *Sinè ullo prorsus errore esse.* Quartus, asserit S. Thomæ esse *dogmata inconcussa.* Approbatam, & laudatam similiter fuisse à Clemente IV. Gregorio X. Sixto IV. & V. S. Bonaventuræ doctrinã, nec tamen contra Fidem Divinam peccat, qui in aliquo ab horum Doëtorum sententia discedit.

66. *Disc.* Quid ergo declaravit

*Pars II. §. II.*

ravit Pontifex in his & similibus approbationibus?

*Mag.* Declaravit eos libros approbatos nihil continere contrariū illis, quæ usque ad illud tempus Ecclesia definierat, nihil bonis moribus contrarium, imò continere doctrinam Fidei dogmatibus explicandis, & promovendæ pietati peropportunam.

67. Adverte 3. non semper Pontificem, dum aliquid docet, ex Cathedra definire, seu docere, ut Ecclesiæ Doctorem, & Pastorem, sed aliquando docere præcisè ut doctorem privatū: sunt enim aliqui Pontifices, qui scripta sua vel Theologica, vel Canonica edidère, ut Innocentius VI. aliique, nec tamen quæ continentur in illis, Pontificiæ definitionis vim habent.

*Tirocinii Theologici*

68. *Disc.* Quando censendus est Pontifex loqui ex Cathedra, ac definire tanquam Ecclesie Pastor, & Caput?

*Mag.* Respondet huic questioni Valentia 2. 2. qu. 1. pūct. 7. §. 39. dicens: *Tunc verò definit Summus Pontifex ut Ecclesie Caput, quando decretum edit pro universa Ecclesia, quòdque velit à Fidelibus indubitanter admitti.* Idem docet Granado 2. 2. controver. 1. tract. 7. disp. 2. sect. 1. n. 1. Similiter Suarez contra Regem Angliæ lib. 1. cap. 3 n. 16 docet tunc Pontificem definire ut Caput Ecclesie, cum *definit, vel approbat tanquam credendum vel observandum ab universa Ecclesia.* Vide Melch. Canum l. 6. de locis Theolog. cap. 8. in respons. ad ultimum argum.

69. Quamvis autem Pontifices aliquando responsa sua  
vel

*Pars II. §. II.*

vel constitutiones dirigant ad particularē Ecclesiam, cū tamen aliquid docent, & statuūt, quod omnes generaliter afficit, & ut ab omnibus certò tenendum vel servandū, jam responsum & constitutio vim certæ definitionis habere videtur. Hic semper Ecclesia hujusmodi responsa, seu constitutiones ut Fidei morūque regulas venerata est.

70. *Disc.* Quandoquidem de hujusmodi Pontificum epistolis, Responsis, seu Constitutionibus sermo incidit, cupio perdiscere, an Canones, qui dicuntur Apostolorum, & à S. Clemente fuere collecti, sint verè Apostolici, vel ipsius S. Clementis, aut alterius Pontificis?

*Mag.* Fuere quidem hi 85. Canones sub initium sexti sæculi ab Ecclesia Græca recepti, ut

*Tirocinii Theologici.*

verè Apostolici, & saltèm 50. priores cœperunt eodem tempore recipi à multis in Ecclesia Latina; adhuc tamen hodie ab eruditis ferè omnibus habentur omnes ut supposititi, nec verè collecti à D. Clemente; quamvis multa utilia contineant. 1. quia Gelasius Papa in Concilio Rom. 70. Episcoporum eos recenset inter libros ab Ecclesia rejectos, & non probatos. 2. quia nullus priorum sæculorũ Scriptor eorũ meminit, etiam cùm debuit maximè meminisse; cùm nempe ageretur de controversia per hos Canones definita. e. g. Cyprianus in controversia Baptismatis nō meminit unquã Canonis 46. expressè dicentis: *Episcopum, aut Presbyterum Hæreticorum suscipientem Baptisma damnari præcipimus.* Nec Victor Papa in ea tã celebri controversia  
cum

*Pars II. §. II.*

cum Asiaticis Episcopis de Paschate celebrando, allegavit unquam Canonem 7. qui vetat Pascha cum Judæis celebrare, qui sanè Canones allegari maximè debuissent. 3. quia S. Isidorus Hispalensis expressè asserit, hos Canones nec à Sede Apostolica recipi, nec à SS. Patribus, & esse ab Hæreticis confictos.

Nec obstat, quòd Patres, & Concilia aliquando aliquam constitutionem, seu Regulam appellent Apostolicam: non enim negamus, ab Apostolis verè conditos fuisse aliquos Canones; sed negamus hujusmodi esse prædictos, ac dicimus certum esse, quòd aliqui non sint; de aliis incertum, ac proinde prædictam collectionem 85. Canonum, imò & 50. priorum apocrypham esse, nec solùm non habere authoritatem juris Apostoli-

*Tirocinii Theologici*

stòlici; sed neque Pontificij, nē-  
pe conditi à Pontificibus Roma-  
nis, quorum etiam Constituti-  
ones vocantur quandoque A-  
postolicæ, ùt illæ appellantur,  
quæ octo libris sub ejusdem D.  
Clementis nomine sunt collectæ.

71. *Disc.* At has ego puta-  
veram esse ipsorum Apostolo-  
rum.

*Mag.* Quia videlicet non le-  
gisti omnes. Igitur Apostolorū  
non sunt 1. quia continent non-  
nullos errores, ùt Hæreticos es-  
se illos, qui suspicantur, JESUM  
esse DEUM super omnia: Bap-  
tismum ab Hæreticis collatū ite-  
rari debere; Sabbathum eadem  
solemnitate, qua diem Domi-  
nicam celebrari; Patrem esse  
Dominū Spiritūs Sancti 2. quia  
dies festos ipsis Apostolis statu-  
unt 3. quia non videntur no-  
tæ fuisse priorum Ecclesiæ sacu-  
lorum

*Pars II. §. II.*

lorum Patribus: si enim notæ fuissent, non dixisset Irenæus, in suo cum Triphone dialogo, Sabbathi celebrationē esse Christi passione extinctam; & Cyprianus eas contra Stephanum Papam allegasset. Ex hoc autem primò & tertio argumento habetur, nec esse illas Clementis Pontificis fœtū. Adde, quòd neque S. Epiphanius, neque S. Hieronymus eas Clemēti tribuunt, quamvis uterque scripta hujus S. Pontificis recenset omnia.

72. *Disc.* Quod tandem est eruditorum judicium, de veterum Pontificum usque ad Siricium, decretalibus? audivi enim eas non satis certæ auctoritatis esse.

*Mag.* Non sunt quidem auctoritatis certissimæ, nō tamen tam incertæ, quam sunt prædicti  
Cano-

*Tirocinii Theologici.*

Canones, & Cōstitutiones. Referam diversas eruditorum opinioniones. Supposititias esse putāt aliqui has antiquorum Pontificū epistolas decretales 1. quōd nullus, octo priorum sæculorū author Ecclesiasticus, illarum mentionem fecerit. 2. quōd in his laudatur sæpe Scriptura sacra juxta vulgatam S. Hieronymi versionem. 3. quōd in his nullus Hæreticus eorum temporum impugnatur, aut nominatur. 4. quōd Dionysius Exiguus, veterum Pontificum epistolarum collector accuratus suæ collectionis initium ducit à Siricii decretalibus, nulla earum, quæ Siricium prædecessere, mentione facta. 5. quōd videantur continere dicta posteriorū Pontificum, seu Conciliorum, Patrumque.

Alij è contra genuinas eas habent

*Part II. §. II.*

habent 1. quòd ut tales eas agnovère alia Concilia, nempe Aquisgranense sub Greg. IV. habitum, Coloniense cap. 3tio Moguntinum cap. 11. Mettense cap. 5. Rhemense contra Arnulphum, & his omnibus, antiquius Romanum 70. Episcoporum sub Gelasio anno 494. 2. quòd eas ut genuinas admittant Canonum Collectores eruditi, Anselmus Lucensis, Burchardus, Ivo, Gratianus, & rursus etiam Theologi communiter cum D. Thoma, qui his epistolis utitur ad confirmanda Fidei dogmata. 3. quòd Leo Magnus ep. 1. ad universos Episcopos mandat custodiri omnia suorum Prædecessorum *decretalia constituta*, quod idem mandat Nicolaus I. ep. 47. scribens ad Episcopos Gallix; qui si *supposititia* ea esse putâssent,

*Tirocinii Theologici.*

id finè dubio Nicolao, à quo  
urgebatur, respondissent; quod  
tamen non fecère; imò ea uter-  
que Hinemarus Rhemenfis, &  
Laudunenfis laudat. Hæc sa-  
nè evincunt non esse tam faci-  
lè has epistolas rejciendas, ut  
aliqui faciunt, imò esse venera-  
tione dignas, & ex his bene con-  
fici argumentum Theologicum  
valde probabile, ut si ipsi faten-  
tur, quibus non satis certus est  
earum auctor.

*Disc.* Sed quid de decretis  
Congregationum Cardinalium  
editis in materia Fidei, aut mo-  
rum, jubente ipso summo Pon-  
tifice? Petétne ex illis Theolo-  
gus certum argumentum? At-  
que hic locus est, in quo de  
Cardinalium origine, munere,  
& auctoritate strictim, & quan-  
tùm satis sit, me doceas.

73. *Mag.* De horum origine

varij

*Pars II. §. II.*

varij varia opinantur. Eos cepisse volunt aliqui à S. Gregorio, alii à S. Silvestro, à S. Marcello alii, nonnulli à S. Pontiano. Eugenius IV. in ep. ad Cantuariensem Archiep. dicit, Cardinalium nomen non fuisse quidem primis nascentis Ecclesie temporibus expressum, munus tamen, & officium à S. Petro Apostolo, & successoribus eius evidenter institutum. Et quidem quod attinet ad nomē, certum est, quòd nullibi reperitur Cardinalium mentio facta ante Concilium Romæ sub Silvestro habitum annò 324. in quo Can. 7. præcipitur, *ut Diaconi non sint plures per Parochiarū examen, nisi duo, & Cardinales Urbis Romæ septem.* Primi Cardinales videntur fuisse soli Diaconi, iique procuratores pauperum, pupillorum & viduarū

*Tirocinii Theologici.*

suæ regionis, dicti proinde Re-  
gionarij. Postea crescente nu-  
mero Fidelium & Presbyterorū,  
primus Parochiæ seu tituli Pre-  
sbyter, qui cæteris sui tituli  
Presbyteris præset, dictus fuit  
Presbyter Card. Tandem non  
sub Honorio II. ut opinantur  
aliqui, sed circa, vel pauld an-  
te Petri Damiani Cardinalis, &  
Ostiensis Episcopi tempora, nē-  
pe circa ann. 1057. additi fuē-  
re Episcopi Cardinales, cū vi-  
delicet designati septem Urbis  
Romæ viciniore Episcopi, qui  
assisterent summo Pontifici, e-  
ūmque in curis & laboribus stu-  
diō, & consiliō sublevarent.

74. Numerus autem sic ele-  
ctorum varius fuit pro varieta-  
te temporum. Sub Bonifacio  
VIII. fuēre Cardinales soli 20.  
Eo tempore, quo Avenione se-  
debant summi Pontifices fuēre

30.  
ster  
stan  
40.  
una  
one  
Car  
nun  
IV.  
spec  
ne p  
imp  
70.  
pulo  
rale  
Nun  
si D  
ros a  
quod  
& d  
fæde  
ut ae  
feran  
ut su  
non

Pars II. §. II.

30. Ne plures quàm 34. imposterum forent, statuerunt Constantiensis Concilij Patres sess. 40. Sub Leone tamen X. qui una sola Cardinalium promotione creavit 31. visi simul fuere Cardinales 65. sub Paulo IV. numerati fuere 70. & sub Pio IV. 76. Tandem Sixtus V. speciali constitutione decrevit, ne plures paucioresque forent imposterum Cardinales quàm 70. ut 70. fuere seniores de populo Israëlítico Moyfi Collaterales, & Assistentes, de quibus Num. cap. 11. vers. 16. ità Moyfi DEUS. *Congrega mihi 70. viros de senibus Israël, quos tu nôsti, quòd senes populi sint, ac Magistri, & duces eos ad ostium tabernaculi fœderis, facièsque ibi stare tecum, ut aescendam, & loquar tibi, & auferam de spiritu tuo, tradámque eis, ut sustentent, tecum onus populi, & non tu solus graveris.* N3 Is

*Tirocinii Theologici.*

Is numerus modò perseverat. Sunt autem ex Diaconorum ordine 14. ex ordine Presbyterorum 50 & ex Episcoporum ordine sex, videlicet antiqui viciniore Romanæ Urbis Episcopi, Ostiensis, Veliternus, Portuensis, Tusculanensis, Sabinensis, Prænestiensis, & Albanensis. Sed inter eos non computatur seorsim Veliternus Episcopus, ex quo Eugenius III. Ostiensi Veliternum univit Episcopatum.

Ex his conficiuntur variæ Congregationes pro varietate controversiarum, quæ ad Pontificem deferuntur, ut in his momentariorum expendantur, antequam vel ab ipsis Congregationibus, vel à Romano Pontifice sententia feratur. Sunt autem septem præcipuæ.

75. 1. Sancti Officii, seu sacræ & universalis inquisitionis rebus

Fidei

*Pars II. §. II.*

Fidei prospiciendis occupata, à Paulo III. erecta, & à Paulo IV. confirmata.

2. Propagandæ Fidei, Missionibus vel instituendis, vel conservandis, vel dirigendis in regionibus Infidelium, cæterisque, quæ Fidei propagationem juvare possunt, intenta, à Gregorio XV. instituta.

3. Concilij, ad quam referuntur dubia & quæstiones circa decreta Concilij Tridentini pertinentia ad disciplinam.

4. Episcoporum, & Regularium; causis videlicet Episcoporum & Regularium decidendis occupata.

Sacrorum Rituum, cui cura Sacrarum Ecclesiæ cæremoniarum, & consvetudinum. Ad hanc quoque pertinet expendere merita eorum, qui proponuntur, ut inter Beatos, vel Sanctos referantur.

*Tirocinii Theologici.*

6. Indicis librorum prohibitorum, quæ suspendit, vel prohibet, vel corrigit libros hâc nota dignos.

7. Immunitatis Ecclesiasticæ, controversias videlicet hac superre occurrentes dirimens, aut ad Pontificem referens ab Urbano VIII. instituta.

76. Omitto alias, quæ minùs faciunt ad rem præsentem, easque, quæ pro temporum necessitate instituuntur, & perpetuæ non sunt. Ut autem respondeam quæstioni, quam proposuisti, dico harum Congregationum decretis esse omnino parendum, & si prodeant de mandato, & nomine Summi Pontificis, quod est Caput prædictarum Congregationum, habere inviolabilem authoritatem, ut probat Joannes Cardenas, in dissert. i. suæ Crisis numer. 99. & seq. quem

*Pars II. §. II.*

consulere potes. Satis enim pro  
instituto nostro actum est de  
Pontificum definitionibus, de-  
cretisque.

*Quintus locus Theologicus*

*Patrum doctrina.*

**N**unc agendum de alio loco  
Theologico, eoque luculen-  
tissimo, nempe Patrum doctrina.

77. Nomine autem Patrum  
Ecclesiæ non intelligimus hic A-  
postolos, neque Pontifices quos-  
cunque, nec eos solos, quos esse  
Ecclesiæ Doctores, expressè de-  
claravit Ecclesia, ut sunt Hiero-  
nymus, Ambrosius, Augusti-  
nus, Gregorius &c. sed eos o-  
mnes, qui post Apostolos cum  
insignis doctrinæ, & sanctitatis  
fama circa Fidem, aut mores  
scripsere.

78. Hi quidem seorsim falli  
potuere, nec ullus ex ipsis quan-  
tum-

*Tirocinii Theologici.*

tumvis doctissimus, & sanctissimus, est infallibilis, ut expressè docent S. Hieron: in ep: ad Ctesiphontem, & S. Aug: ep. 19. ad S. Hieron: & alibi. Et patet. 1. quia nullus ipsorum habet ex se, aut ex sanctitate, & doctrina, aut ex DEI promisso hanc infallibilitatem. 2. quia constat aliquos ex ipsis interdum in aliquibus errasse.

Addo nec esse infallibiles, quamvis multi ex ipsis conveniant in eandem sententiam: nullum enim eorum infallibilitatis argumentum habemus, constatque multos convenisse in doctrina rejecta, cujusmodi fuit exempl. gr. sententia Chiliastarum seu millenariorum putantium Christum cum suis Sanctis post resurrectionem in terris per mille annos gavisurum. Quamvis autem nec singuli, nec  
mul-

*Pars II. §. II.*

multi simul, refragantibus aliis, conficiant argumentum infallibile, faciunt tamen etiam singuli argumentum valde probabile, cum quidquam docent ab aliis non negatum.

Si verè omnes in aliqua doctrina pertinente ad fidem, vel mores conveniant, in ea infallibiles sunt. Quia verò non est ità facile verum Patrum sensum assequi, ac proinde cognoscere, quando sit eorum in aliqua controversia consensus, ideo requiritur definitio Conciliorum, vel Pontificum.

79. Et quidem superbis præsertim, & pervicacibus, nec expendentibus, quæ expendentibus, valde periculosa est lectio Patrum. Ut id mali caveas, dum eos legis, expende 1. quando scripserint: sic aliqua in ipsis excusabis, quæ modò post novas  
Eccle-

*Trocinii Theologici.*

Ecclesiæ definitiones dicenda non essent. Ut autem id facias, subtexam hic Indicem Patrum saltem celebriorum. 2. contra quos, vel qua occasione scripserint; sic temperabis ea, quæ significantiùs scripta videntur: temporis enim, & erroris, qui refellendus erat, ratio sic exposcebat. 3. ne facilè in obscuris de vero sensu pronuncies, sed postquam in illius Patris scriptis fueris diu multumque versatus; habent enim singuli suas phrasas, suos dicendi characteres, non cuique notos, sed soli lectori versato, & familiari. 4. sic lege Patres, ut habeas semper præ oculis Ecclesiæ, & Pontificum definitiones, nec has, quæ clarissimæ sunt, & habent infallibilem authoritatem ex illis; sed illos ex his explices, & benignè exponas. Id si fecissent Novatores,

No-

Pars II. §. II.

Novatores haudquaquam fuissent. 5. Si librum translatum legeris, vide cujus fidei, vel famæ sit translator: si enim hæreticus sit, vel suspectus, suspectam habeas translationem ipsam. *Solent enim Heretici* (monet Card: Bellarm. de Script. Eccl. in S. Maximo Martyre) *in auctoribus bonis transferendis sepe ad suos errores sententias auctorum bonorum accommodare.* 6, Cave, ne dubia Patrum scripta, vel supposititia, legas pro certis, & germanis. Multa enim eis tribuuntur, quæ eorum non sunt. Hæc infra notabo in singulis; ubi enumerabo certa, reliqua habere potes, ut non satis certa. E contra ubi recensero incerta, reliqua habere potes pro certis, aut ferè certis. Eorum autem Patrum, quorum non facio mentionem, opera habere potes pro certis, &

*Tirocinii Theologici.*

genuinis. Sed antea ipsorum  
Patrum, saltèm celebriorum, in-  
dicem dabo.

*Index Chronologicus, & Al-  
phabeticus Patrum celebriorum.*

80. S. Ambrosius floruit ann. 374.  
S. Anselm9 Cantuariensis 1081  
S. Athanasius 340.  
S. Augustinus 420.  
S. Basilius Magnus 370.  
Beda Venerabilis 751.  
S. Bernardus 1130.  
S. Bernardinus 1438.  
S. Bonaventura 1275.  
S. Cæsarius Arelat. 499.  
Clemens Alexand. 204.  
S. Clemens Romanus 92.  
S. Cyprianus 250.  
S. Cyrillus Alexand. 430.  
S. Cyrillus Hierosol. 365.  
S. Dionysius Alex. 250.  
S. Dionysius Areop. 71.  
S. Ephrem Syrus 365.

S. Epi-

*Pars II. §. II.*

- S. Epiphanius 370.  
S. Eucherius Ep: Lugdun. 440.  
S. Eulogius Mart. 850.  
S. Fulgentius 500.  
S. Gelasius Papa 492.  
S. Germanus Constantinop. 720  
S. Gregorius Magnus 600.  
S. Gregorius Nazianzen. 370.  
S. Gregorius Nyssen. 380.  
S. Gregorius Thaum. 233.  
S. Gregorius Turon. 596.  
S. Gregorius II. 714.  
S. Hieronymus 390.  
S. Hilarius 355.  
S. Hildephonius Ep. Tolet. 658.  
Hugo de S. Victore 1130.  
Idiota 902.  
S. Ignatius Mart. 71.  
S. Ildeph: Vide Hildephonius  
Innocentius III. 1200.  
S. Joannes Chrysoftomus 398  
Joan. Climacus 560.  
S. Joan. Damascenus 731.  
S. Irenæus Mart 180.

*Tirocinii Theologici.*

- S. Isidorus Hispalensis 630.  
S. Justinus Mart. 150.  
S. Laurentius Justinian: 1440.  
S. Leo Papa I. 440.  
S. Maxim<sup>9</sup> Ep. Taurinensis 420  
S. Maximus Mart. 650.  
S. Methodius Ep: & Mart: 285  
S. Nicephorus Ep: Const: 811.  
Nicolaus Papa II. 858.  
S. Nilus Abbas 445.  
S. Optatus Milevitanus 365.  
S. Pachomius 340.  
S. Paulinus Nolanus 420.  
Paulinus Aquilej: Ep: 780.  
Petrus Blesensis 1177.  
Petrus Abbas Cluniac. 1130  
S. Petrus Chrytologus 440.  
S. Petrus Damiani 1060.  
S. Polycarpus Mart. 71.  
S. Prosper Aquitanus 460.  
Richard: de S. Victore 1030  
Salvianus Ep: Massil: 460.  
S. Sophronius Ep: 630.  
S. Theodorus Studita 820.  
S. Theo-

*Pars II. §. II.*

S. Theoph: Ep: Antiochen: 170

S. Thomas Aquinas 1265.

S. Vincentius Ferrerius 1410

Vincentius Lirinensis 440.

S. Zeno Ep: & Mart. 260.

81. S. Ambrosij certò sunt libri  
sex: Hexameron, de Paradiso u-  
nus, de Cain, & Abel duo, de  
Enoch, & Arca unus, de Abra-  
ham Patriarcha duo, de Isaac,  
& anima unus, de bono mortis  
unus, de fuga sæculi unus, de  
Jacob, & vita beata duo. de Jo-  
seph Patriarcha unus, de Bene-  
dictionibus Patriarcharum unus,  
de Elia & Jejunio unus, de Na-  
buthe Isràélita unus, de Tobia  
unus, de interpellatione Job, &  
David libri quatuor, Apologia  
Prophetæ David, altera ejusdem  
apologia, Enarrationes in Psal-  
mos 12. Expositio in Psal: 118.  
Expositio in Evan: S. Lucæ, de  
Officiis Ministrorum libri tres,

*Tirocinii Theologici.*

de Virginibus ad Marcellinam  
libri tres, de Viduis unus, de  
Virginitate unus. de lapsu Vir-  
ginis consecrætæ unus, de My-  
steriis unus, de Sacramentis li-  
bri sex, de Pœnitentia libri duo,  
de Fide libri quinque, de Spiri-  
tu Sancto libri tres, de Incarna-  
tionis Dominicæ Sacramento u-  
nus, Fragmentum ex Theodo-  
reto desumptum, epistolæ va-  
riæ num. 91. de excessu Fratris  
sui Satyri libri duo, de obitu  
Valentiniani consolatio, de obi-  
tu Theodosij oratio funebris, de-  
mum hymni aliquot. Hæc om-  
nia continentur primo, & se-  
cundo tomo editionis ultimæ  
Congregationis S. Mauri.

S. Anselmi Cantuar. certò sunt  
Monologium, Profologium con-  
tra Guannilonem, Dialogus de  
veritate, de libero arbitrio, de  
casu Diaboli, de Grammatica,  
de

de  
tion  
cont  
pecc  
ne S  
cos,  
pisto  
toru  
Red  
de c  
dest  
berc  
plur  
S  
com  
ope  
qua  
resp  
pæ.  
secu  
tert  
bus  
tion  
4. a

*Pars II. § II.*

de Fide Trinitatis, & Incarnatione Verbi, cur Deus homo contra Gentes, de conceptu, & peccato originali, de processione Spiritus Sancti contra Græcos, de fermentato, & azimo epistola, de diversitate Sacramentorum altera ep. de meditatione Redemptionis generis humani, de concordia præscientiæ, prædestinationis, & gratiæ cum libero arbitrio, & epistolæ quam plurimæ

S. Athanasij certò sunt 1. quæ comprehenduntur tomò primò operum ipsius, excepta fortasse quadam expositione Fidei, & responsione ad Epist. Liberij Papæ. 2. quæ complectitur tomus secundus. 3. quæ continentur tertiò tomò, exceptis sermonibus de SS. DEI para, & disputatione Athanasij cum Ario. In 4. autem tomò vix aliquid est,

*Tirocinii Theologici.*

quòd verè sit Athanasij. De Symbolo dubitant aliqui, an ejus sit. Sed ejus esse probat Bellarminus de Script: Eccl: & latius Petrus Annatus in suo Methodico Apparatu.

S. Augustini fortè non sunt ex primo tomo Regulæ, & de vita Eremitica. Ex secundo tomo aliquot epistolæ. Ex tertio liber de Mirabilibus Sacræ Scripturæ, liber de Ecclesiast: dogmatibus, liber de spiritu, & anima, liber de Fide ad Petrum, Quæstiunculæ de Trinitate, & liber de benedictionibus Patriarcharum. Ex quarto: liber sententiarum unius & viginti, liber quæstionum 65. liber quæstionum veteris, & novi Testamenti, libri de Incarnatione Verbi, de Trinitate, & Unitate DEI, de essentia Divinitatis, de Fide rerum invisibilium, de substantia

dile-

dile  
nite  
men  
to:  
fiæ,  
tra  
ber  
stan  
gra  
DE  
fals  
&  
um  
Joa  
nu  
Sol  
trip  
rad  
nu  
cog  
cul  
fun  
nov  
var

*Pars II. §. II.*

dilectionis, de vera, & falsa pœnitentia, de salutaribus documentis, & de amicitia. Ex sexto: libri de Altercatione Ecclesiæ, & Synagogæ, & de Fide contra Manichæos. Ex septimo: liber contra Fulgentium Donatistam, liber de prædestinat: & gratia, libellus de prædestinar. DEI, responsio ad articulos sibi falsò impositos, Hypognosticon, & liber de gestis contra Pelagium. Ex nono: in Apocalypsim Joann. homil: 18. Meditatorum liber, de diligendo DEO, Soliloquiorum, Manuale, de triplici habitaculo, de Scala Paradisi, de 12. gradibus abusionum, de contritione cordis, de cognitione veræ vitæ, de speculo, de vita Christiana, de assumptione B. Mariæ, de cantico novo, de contemptu Mundi, de vanitate sæculi, de obedientia,

&

*Tirocinii Theologici*

& humilitate, de bono disciplina, de visitatione infirmorum, de consolatione mortuorum, de quarta feria, de Cataclismo, de tempore Barbarico, de sobrietate, speculum peccatoris, de utilitate Pœnitentiæ, de conflictu virtutum, & vitiorum, de laudibus charitatis, de honestate mulierum, de Symbolo Fidei, de rectitudine Catholicæ conversationis, de utilitate jejuniij, de creatione primi hominis, de arbore scientiæ boni, & mali, de pugna animæ, de Antichristo, Psalterium Matris suæ, expositio super Magnificat. Ex decimo tomo: sermones ad fratres in Eremo exceptis duobus de communi vita Clericorum, qui est 52. & 53. Prædicta omnia aut non habentur pro genuinis, aut dubia sunt, & incerta.

S. Ber-

S. I  
funt,  
Medi  
mo,  
Clau  
vitæ,  
Serm  
scient  
Lam  
Doct  
de ex  
amor  
gnita  
de Pa  
S. Be  
vend  
scient  
fis arg  
gina,  
quir  
oneri  
S.C  
Hom  
seque

*Pars II. §. II.*

S. Bernardi opera dubia hæc sunt, ad Fratres de Monte DEI Meditationes, de interiori domo, de ordine vitæ, de Scala Claustralium, formula honestæ vitæ, speculum Monachorum, Sermones varii, Liber de conscientia, descriptio Claræ Vallis, Lamentatio Virginis Mariæ, Doctrina S. Bernardi, Homilia de exeuntibus in Emmaus, de amore DEI, de natura, & dignitate Divini amoris, Sermo de Passione Domini, Rhetorica S. Bernardi, de modo bene vivendi ad sororem suam, de conscientia, Sermones 15. de diversis argumentis, super Salve Regina, Epistola, in qua quid requirat DEUS, Sermones 11. de oneribus.

S. Cæsarij Arelat. fortè non sunt Homiliæ quadragesimæ, & tres sequentes, uti etiam ultima.

Se-

*Tirocinii Theologici*

Secunda etiam Regula ejus esse non putatur.

S. Clementis Romani certò sunt duæ tantùm Epistolæ ad Corinthios.

S. Cypriani certò sunt libri 4. Epistolarum, & rursus libri seu tractatus de disciplina & habitu Virginum, de Lapsis, de unitate Ecclesiæ, seu de simplicitate Prælatorum, de Oratione Dominica, ad Demetrianum, de Idolorum vanitate, de immortalitate, de Eleemosyna, de bono Patientiæ, de zelo, & livore, de exhortatione Martyrij ad Fortunatum, ad Quintum contra Judæos, libri tres, Sententiarum ex Concilio Carthaginensi de rebaptizandis Hæreticis liber unus, ad Jubajanum de rebaptizandis Hæreticis, ad Pompejum contra Epistolas Stephani Papæ.

S. Cyrilli Alexandrini non sunt libri

*Pars II. §. II.*

libri sexdecim in Levit. nec quatuor libri intermedij ex duodecim in Joannem, nec fortasse liber adversus Judæos, Breves anagogæ, & liber de Sacrosancta Trinitate.

S. Epiphaniij sunt, quæ ei attribuantur, nisi fortè est aliquid additum ab Iconomachis ejus Epistolæ ad Jo: Hierosolymitanum.

S. Eucherij non sunt commentarij in Genesim, & in libros Regum.

S. Gelasij Papæ non videtur esse liber de duabus Naturis contra Eutychetem.

S. Gregorij Nazianzeni Metaphrasis, sive Translatio in Ecclesiastem, ejus non est; sed Gregorij Thaumaturgi: nec ejus esse videtur Tragœdia, quæ inscribitur *Christus patiens*.

S. Gregorij Nysseni non sunt

P

libri

*Tirocinii Theologici*

libri octo de Philosophia, nec prolixam quædam Oratio ei attributa à Magdeburgensibus.

S. Gregorij Thaumaturgi opera certa hæc sola sunt, Panegyricum in Origenem, Brevis Fidei confessio habita ex revelatione S. Joan: Apostoli, Metaphrasis in Ecclesiastem, tres Sermones de Annuntiat. B. M. V. Sermo de Baptismo Christi, Epistola Canonica.

S. Gregorij Turon. fortè non est liber de septem Dormientibus.

S. Hieronymi opera indubitata sunt, Novum Testamentum Græcum emendatum, & Vetus translatum in idioma Latinum, Epistolæ aliæ hortatoriæ, aliæ laudatoriæ, sive funebres, quæ sunt in primo tomo, aliæ Polemicæ contra Helvidium, Jovinianum, Vigilantium,

Mon-

Mon  
qua  
Div  
qua  
tari  
libr  
6.  
lari  
Cat  
S  
fun  
car  
bri  
tat  
Fil  
om  
co  
pe  
om  
ad  
ad

*Pars II. §. II.*

Montanum, Pelagianos, &c.  
quæ habentur in 2. tomo, aliæ  
Divinæ Scripturæ explanatoriæ,  
quæ sunt in 3. tomo, Commen-  
taria in omnes ferè Scripturæ  
libros, suntque in tom. 4. 5. &  
6. Vitæ S. Pauli Eremitæ, S. Hi-  
larionis, & S. Malchi Monachi.  
Catalogus de Scriptoribus Eccl:

S. Hilarij Pictaviensis non  
sunt Epistolæ ad August: nec  
carmen in Genes: nec fortasse li-  
bri duo de Patris, & Filii uni-  
tate, & de essentia Patris, &  
Filij.

Hugonis de S. Victore an sint  
omnia, quæ ei attribuuntur,  
consule notas, quæ in ipsius o-  
peribus extant.

S. Ignatij Martyr: Epistolæ ab  
omnibus Catholicis receptæ sunt  
ad Epheseos, ad Magnesianos,  
ad Trallianos, ad Romanos, ad

*Tirocinii Theologici.*

Philadelphios, ad Smirnaeos, ad Policarpum.

S. Joan: Chrysofostomi opera dubia, seu supposititia sunt Homiliae aliquot in varios veteris Testamenti textus, nempe tres Homiliae in cap: 2. Genes: Tres aliae in cap: 3. & nonnullae aliae à Sixto Sen: notatae lib: 4. Bibliothecae Sanctae, Commentaria, seu Homiliae, seu Sermones 14. in Marcum, opus imperfectum in Matt: divisum in 54. Homilias.<sup>9</sup>

S. Joann: Damasceni fortè non sunt hæc duo, nempe Historia Barlaam, & Oratio de his, qui in Fide dormierunt.

S. Isidori certò sunt, liber de genere Officiorum, liber præmiorum, liber de ortu, vel obitu Prophetarum; liber lamentationum, libri duo ad Florentiam sororem, liber de natura rerum,

*Pars II. §. II.*

rerum, liber differentiarum, liber quæstionum, seu expositionis Sacramentorum, liber ethimologiarum. De reliquis libris, qui multi sunt, dubitat Bellarm.

S. Justini Martyr: certò sunt, duplex Oratio Panegyrica ad Gentes, Apologia pro Christianis duplex, Dialogus cum Triphone, de Monarchia DEI liber unus.

S. Leonis I Papæ non est liber de conflictu virtutum, & vitiorum, nec fortasse Epistola 88. quæ est de Privilegio Chorepiscoporum.

S. Maximi Mart: sunt, quæ ejus esse feruntur; aliqua tamen cautè legenda monet Bellarminus, quia sunt ab Hæreticis in Latinam linguam translata.

*Tirocinii Theologici.*

S. Methodij libellus revelationum suppositus censetur.

S. Prosperi fortasse non sunt tres libri de Prædictionibus, & Promissionibus DEI: item tres libri de vita contemplativa, liber, seu pòéma de Providentia DEI, libri duo de Vocat. Gentium, & Epist: ad Demetriadem.

Richardi Victorini an sint libri quatuor exceptionum, dubitat Bellarm.

D. Thomæ Aquinatis opuscula dubia sunt minori characterè excusa in edit. Roman. Anno 1570. His addi potest aliud de Regimine Principum juxta Bellarminum.

D. Zenonis Sermones aliqui creduntur esse S. Basilij, aliqui Hilarij, alij veteribus Scrip- toribus ignoti.

Jam

*Pars II. §. II.*

Jam verò cum in alicujus Patris sententiam incidis, quæ in rem tuam facere videatur, eam ne afferas, nisi sit ejus operis, quod eruditi inter certos prædicti Patris factus recensent, alioquin argumentum Theologicum non conficies, & ab eruditis rideberis, ut sacræ antiquitatis ignarus.

*Ultimus locus Theologicus  
Ratio.*

§2. **U**Ltimum locus, unde Theologus argumenta depromit, est Ratio partim lumine Fidei, partim naturalibus scientiis illustrata. Is autem locus uberrimus est. Quamvis enim subjectum primarium, de quo Theologus speculativus agit, sit à DEO revelatum, & contentum in Scripturis, & Pa-

*Trocinii Theologici.*

tribus; multa tamen, imò ple-  
raque circa tale subjectum di-  
sputat, de quibus Scriptura,  
Patresque non ità expressè a-  
gunt, aut non ità explicatè pro  
quæstione proposita. Ex: gr:  
circa incarnationem Verbi, quæ  
est materia principalis, de qua  
agit S Th: in 3. p. multas quæ-  
stiones movent Theologi, nem-  
pe, an necessarium fuerit Ver-  
bum incarnari saltèm conditò  
Mundò, vel saltèm permissò  
Adæ peccatò, vel tandem sup-  
positò Decretò non reparandi  
Genus humanum, nisi persolu-  
ta condigna satisfactiòne: An  
hæc persolvi possit à pura crea-  
tura saltèm ornata habitu gra-  
tiæ: An persoluta fuerit à Chri-  
sto, & ad quos effectus, an fue-  
rit infinita; Qualis fuerit Verbi  
Divini cum Natura humana u-  
nio,

*Pars II. §. II.*

nio, an distincta ab extremis, an substantialis; An in ipsa Natura Verbi, an in sola ejus Persona, an facta in primo instanti, quô humana Christi natura concepta fuit; Quid ex hac unione resultâverit, quæ sanctitas, quæ gratia, quæ dona in prædicta Natura, quæ libertas: An plures Naturæ creatæ assumi potuissent, an à pluribus Divinis Personis, aliæque permultæ, quibus ferè non nisi remotè, & per longos discursus respondetur ex Scripturis, & Partibus, proximè autem, ex ratione, nempe ex conceptu libertatis, seu domini Divini, creaturæ, peccati, meriti, demeriti, satisfactionis, justitiæ, unionis, naturæ, personæ; Quas quidem rationes, & conceptus, non habemus semper ex solis  
Scrip-

*Tirocinii Theologici.*

Scripturis, & Patribus, sed, ut dicebam, ex nostri intellectus, & naturalium disciplinarum lumine. Quod quia non est in omnibus idem, illud efficit, ut nec eadem sit Theologorum his super quaestionibus sententia, ut esset, si omnia possent ex Scripturis, vel traditionibus, vel Patribus dilucidè definiri.

*Disc.* At cur ista tractantur, quæ non continentur clarè in doctrina sacra, quæque à Patribus tractata haud ita fuere, nec possunt dilucidè, & certò definiri? Quæ utilitas ex tot quaestionibus, disputationibus, contentionibusque?

*Mag.* Utilitas hæc saltèm inde existit, ut præter laudabilem ingenij exercitationem, habeatur in promptu, unde Novatorum errores expeditiùs, certiusque

*Pars II. §. II.*

que refellantur, ut ex iis, quæ  
mox circa tertiam Theologicam  
facultatem dicam, comperies.  
Non debes tamen omittere,  
quæ in hujus secundæ Theolo-  
giæ iaudem habet S. Aug: lib:  
de Trin: Eâ, inquit S. Doctor,  
*Fides saluberrima, quæ ad veram  
beatitudinem ducit, gignitur, nutri-  
tur, defenditur, roboratur. Quæ  
scientia non pollent Fideles plurimi,  
quamvis polleant Fide plurimum.  
Aliud est enim scire tantummodo,  
quid homo credere debeat propter a-  
dipiscendam vitam beatam, quæ non-  
nisi æterna est; aliud autem scire,  
quemadmodum hoc ipsum, &  
piis opituletur, & contra  
impios defendatur.*

BIBLIOTH. UNIV.



JAGELLONICÆ

TYRO-

Faint, illegible text, possibly bleed-through from the reverse side of the page.

TYRO



Biblioteka Jagiellońska



stdr0024841

